

16


T 9298 / 7204

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY


JUL 29 1946













新編事文類聚翰墨大全卷之四

哈佛大學  
圖書館  
珍藏

喪禮門 文類

祭文

親族姻戚

師友

交游故舊

達官名賢

親族

祭父文太師革齋先生文

文山

維已卯五月朔越二十有六日孝子某自嶺被執至南安軍具香幣遣人馳告于元太師革齋先生墓下而言曰人誰不為臣而我欲盡忠不得為忠人誰不為子而我欲盡孝不得為孝夫胡使我至此極耶始我起兵赴難勤王仲弟將家道于南荒宗廟不守遷我異疆大臣之誑國亡與亡靈武師興解后歸國再相出督身荷憂責奮臂一呼聞聲四克謂親拜墓以剪荆棘不虞垂集一跌崎嶇妻妾子女六人為俘收拾散亡息于海隅庶幾奮方以為後圖惡運推遷天所廢弃有母之喪尋失嫡子哭泣未乾兵臨其壘倉卒之間二女夭折剪為囚虜形影獨存仰藥不濟竟比其轍繫頸縶足過我里門望葉相從恨不九原委指松楸有言若誓繼今支子實



典祀事有姪曰杲我身是嗣興言及此血淚如雨嗚呼自古危亂之世忠臣義士孝子慈孫其事之不能兩全也久矣我生不辰罹此百凶求仁得仁抑又何怨幽明死生一理也父子祖孫一氣也冥漠有知尚哀鑒之

祭父文 朔望祭

余日華

嗚呼九天蒼上九原茫茫父兮何知欲從無方言念故歲侍奉湯藥衣不解帶食不盈勺問者在閭弔者在門崩摧殞絕血淚如奔歲月易流甫當朔莫追慕英雄不可復見孤子餘生與死為鄰憂心慘碎顧影竚上仰而號天上高莫顛伏而叩地上厚莫訴追養不逮悲木號風天地有盡此哀無窮嗚呼痛哉

祭母文 葬

劉後村

嗚呼吾母年垂九袞棲居二紀未嘗一日遠去諸子今安在哉桑陰屢徙奔此萱庭即彼蒿里向者平日寢門子孫問安夜深擁爐幼稚繞膝之地今塵凝一榻矣蚤吟四壁矣高堂化為聖室班衣化為衰絰笑語化為哭泣魚軒象服化為魂車祖馬嗚呼窮天下之悲極人世之慘有甚於此者

乎六親寬譬之言四方弔唁之書類曰若等事母日長可以無憾矣嗟夫惟事母之日長故喪母之痛鉅念母之腸裂哭母之淚盡而繼之以血也城南之阡天相陰隲日吉時良將即窆空闔門攀號蒼天罔極

又

嗚呼痛哉百年華蓋千載山丘慟哭辭堂母也不留音容杳邈永訣千秋嗚呼痛哉遙瞻衡宇粗蔽風雨憶昔吾母行笑坐語今辭而去誰為同處嗚呼痛哉我遊中庭天香有堂憶昔吾母誦書焚香今辭而去九泉茫茫嗚呼痛哉我登重窩依光有閣憶昔吾母凭闌笑染今辭而去原野寂寞嗚呼痛哉人皆有子此獨抱恨以終身者我幼亡父母恩甚勤孰為三遷為我擇鄰孰為剪髮為我延賓教我誨我命我成人今我三釜不能及親嗚呼痛哉宜安之原墳土三尺載惟吾母殯墳其側有泉有池有松有柏一別終天神安其宅嗚呼痛哉

女祭父文

惟父之存鞠育我等飲之食之長使修整迨其長成絲枲勤督使配夫家



不忘恭敬年雖既高更強步履豈意微痾類令長逝泣血告言涕既墮矣尚享

女祭母文

惟女子有適人之道而膝下無終身之期比方克謹乎戒敬之訓蓋未有暇乎歸寧之儀何彼蒼之不仁使我妣之遽違嗟薤露之朝散信舟壑之夜移念我父我弟兮既已失望使我姊我妹兮又將何為觸緒增感痛心摧頽莫挂酒兮三酌揮血淚兮連而

警段嗚呼哀哉雲容慘兮風聲悲魚失浪兮鳥無棲族領春兮鶴已飛秦臺登兮鳳不歸令太山兮徒爾為宴王母兮孰與知耿音容兮佇軒墀聞無聲兮訓以詩痛洒淚兮血連漪聊一姐兮莫芳菲。嗚呼哀哉樹欲靜兮風颺上梁木壞兮哲人萎香不聞兮魚軒馳取修廢兮誰與知胡可我兮紗縵垂情庭訓兮禮與詩掃中堂兮奠芳菲痛洒淚兮血連漪。生而敬事兮恨不足於菽水歿而安厝兮恨未卜於立園。子生三年誰其孕之弗離懷抱誰其與之母氏聖善何以報之

婦祭公文

妾奉教戒歸事慶門蘋蘩供職未容周旋云胡一疾長徂九泉

婦祭姑文

惟靈夙著淑德素備母儀訓飭子婦凛七良規曷期膺疾奄棄庭闈悽悽頗徹婦將何依

孫祭祖文

某也早孤惟倚吾祖朝夕侍奉以訓以撫

孫祭祖母文

嗚呼祖母之德撫我弥勤方在童稚悅仰教存今焉云逝胡報而云嗚呼朔風起兮白晝寒苦悵恨兮對別魂捧觥訣兮送九原涕泪飛兮可盡言

祭子文 大歛後

維年月日爹七媽七昭告于亡子某即魂靈嗚呼汝方盛年一疾不起大歛之後今當三月有酒一杯素食七味果實七衎菜蔬七堞供汝點心汝能如生前平時舉觴下筯否嗚呼哀哉嗚呼痛哉香燭茶湯紙錢併隨世



俗汝其享之

祭女文 成服

楊長孺

汝為吾女四十四年祖曰誠齋父考東山武岡孫婦藁砧賢閨姆訓柔懿婦德靚淵生我宅相玉樹芝蘭高門大閭綠髮朱顏相距咫尺時上乘軒來省父母怡愉團栝如何一疾曾不沉綿吾往問汝笑談依然五日不見訃音忽傳亟走視汝異其猶全喚汝不響自眩膚寒救汝不反意汝遺言託吾以棺酬汝金錢親縫以帛忍淚已潛觀汝大斂未訣終天維汝之子婚姻嬋媯繫汝之意而姑從旃若公若私有田有園汝不克享汝憾無邊人生半世誰并九泉吾為汝服慟而酌焉嗚呼哀哉

母祭女文

余日華

嗚呼人皆有死汝死何歎慨念昔者使我心悄汝自幼年百病備嘗逮及既筭身歿且康汝性儉勤能自刻苦奩衾衽幃悉從簡素意汝惜福天必與齡云何一疾遽弃母兄出適于留甫八閱月天禍太甚一旦永訣丹旌蕭七原草離七吉日癸卯殯于梁溪嗟乎胡然而生胡知而死生不可復

死長已矣遠棺三匝母子息情老懷易感淚雨如傾卮酒告哀抱恨莫訴汝如有知鑒此情素

祭妻文 陸氏

劉屏山

維年月日夫具位劉某謹遣親隨某人賫俸錢百千往靈梵寺請僧十人就亡室陸氏孺人柩前修佛事七日仍設齋食致祭于靈筵嗚呼死生有命雖定數之難逃夫婦之私曷衷情之可已念汝初廟見而余丁家艱枕塊未幾投戈遽變漂零航海寂寞逃山周旋幾七八年憂舌蓋千萬狀分甘釐糲人或難之口絕怨嗟汝為賢也傾因隨牒弗獲同車豈期分手之言遽作終天之別朝猶在褥暮已蓋棺墮壁月於中天鎖瓊臺於長夜川塗阻絕雖疾病而弗知音訃流傳悵死生之已隔隻身海角一慟神銷念契闊之幾時想音容之如在昔歸不早今恨莫追難招子母之魂但瀝肝腸之血興懷痛矣悼往悠哉趣徒御之赴哀值簡書之可畏渠七莫展負負何言託身於余死而不見恋祿若此拊心亡聊寓斯文以寫悲翼幽靈之不昧尚享



嗚呼痛念吾妻作配於我三十七載德之柔淑性之慈順事姑舅孝待妯娌和撫子孫恩待奴婢寬治家事則女中之師蓋具內助八座之孫乃能甘貧菲食惡衣有如窶人相從仕宦與我同志平生清念不驕不侈無怨無惡宜享尚壽一病十年夔危幸安逮于今春痼疾大作醫師巫史皆莫能救沈綿幾月竟至大故年未六十舍我而逝與骨肉語云將長終言在而瞑無怛化容嗚呼哀哉三日不生求別千秋老身榮已誰為奈吾二子失母二婦失姑天胡不仁乃至此極今辰大斂吾妻知否不敢不言

又成服

前入

嗚呼宜人云亡今再浹日喪服有制消選良辰為妻齊衰杖期二子為母齊衰三年追慕之哀寓此衰麻已在身追慕在心因身而心因心而靈慟哭傷悲豈有終窮言念及茲痛哉苦哉敢告于靈惟靈格思

又

嗚呼靈耶結髮之愛偕老百年君獨何辜半途而逝八年陳迹一夢依然

追尋往事誰復忍言嗚呼哀哉吾母初亡唯君實歸吾母未葬君憂且悲今從吾母双旒飛上人間萬事豈德可知嗚呼君生名家來嫁於我奉我宗廟四時蘋藻事我諸兄恭執婦道賢哉婦人固宜壽考未及三年天抑何早嗚呼哀哉我昔為儒艱難備嘗君獨從我破衣弊裳吾嘗比之伯鸞孟光君今逝矣我心憂傷嗚呼哀哉我昔為儒耽書玩文君獨從我坐至夜分吾嘗比之相如文君上今逝矣我心慙上嗚呼哀哉歲在戊子我遊溫陵君抱幼子獨以歸寧我遭寇盜君憂且驚我車既還君喜而迎今不見君何以為情嗚呼哀哉歲在癸丑我如臨安再趨蘭臺坐歸汗顏君書之來令我無還勉我立志遂取一官今不見君使我辛酸嗚呼哀哉我來自西光動閭里君聞我還一笑一喜享筭待賓過門失履嗚呼哀哉我遊中府群婢恫上我入宣房嬰孩夜啼九泉何許君去不歸嬰孩三尺予將疇依嗚呼宜安之原衰草松栢舅姑之墳在於其側數椽茅屋以奉窀穸行將卜地以為君宅祖奠于庭神其飲食

妻祭夫文



百年夫妻人之常也君何逝而去百年之說何其妄耶女羅附長松將以  
托長松上且枯朽女羅孰附哉朱絃係佳琴將以和聲音佳琴亦破毀  
朱絃孰繫哉本謂如明月明月且已缺本謂如明鑑上且已裂泉可竭  
兮哀泪不乾石可磨兮哀情不滅君有幼子何忍逝而死君有室女何忍  
逝而去君宜有靈使子有成君宜福讓使女有歸嗟君之遺言鬼散魂飛  
嗟君之故衣双淚交揮生者哀上兮悲又悲死者悠上兮知不知墳既塋  
兮葬有期辰既吉兮堂將辭辨踊哀慟兮徒心悲叩頭流血兮空淚垂有  
食盈盞有酒盈卮去如之何訣別此時尚享

祭伯父文

松壽

立雪

昔我皇祖於嗣最艱雙璧未瑞玉求他山公來自東皇祔有子並美成三  
而祖遽死大弟六歲小弟四齡八妹九妹公手養成師訓姆教妹嫁弟婚  
征衫白馬辛苦戶門諸姑伯叔平地而波公屹鐵壁隻手伏魔歲上年  
黃花杯酒弟後兄前綠衣母壽孰不知公無負我祖孰不知公我祖無負  
仰妻俯育公責兩全公雖兩全無報則天大和分張甲午乙未蟻戶蜂房

尔兄我弟嗚呼百年四世天報亦豐獨惜公後不與公同一貌上足不  
能步三孫歷年未歷世務擇婿之眼在昔固高金屏綉得王孫亦豪公八  
十歲婿衫未青上衫歸拜縞素在庭嗚呼昔種嘉橘今皆成枳上門有梅  
鷄也萃止公有田阜公有宇堂宛其死矣孰主孰張綢繆風雨吾力亦多  
訊予不顧顛倒柰何一觴索奠公必鑒臨是孤我心

祭叔父文

朝請

熊子復

昔我先君與十叔父未冠而孤家四壁立高平夫人黑髮滿櫛攜持東歸  
一錢之奉必自已出先君與叔父躬苦服勞晝耕夜讀陋巷簞食人不堪  
憂啜菽飲水歡盡其孝辛勤十年用立門戶高堂致養祿則逮親錫爵九  
卿燕及皇祖子孫秩上遂為大家兄弟白首舉酒相對夫豈不懷昔困今  
遂百韻之詩以言為戒時我諸子實預聞之紹聖無祿先君即世我與二  
三孤悼心失圖引領瞻望曰惟祖惟父其誰恤予躬叔父千里啓書泣數  
行下車不及載匍匐來歸俾我先君獲從先大夫以安于九原非叔父之  
力其誰克尸之我是用銘膺錢腸不敢失墜冀或未死其猶報厚恩嗚呼



孰謂叔父弃我而先逝乎昔叔父之既告老也我猶庶幾日終更亟歸以  
歲為期包羔酌酒鞠跽恭鞠起前致詞上千萬壽我見叔父先君存焉夫  
不悔禍家難重仍仲姑季母如葉隕霜惟獨叔父今也則亡生不承顏病  
不嘗藥拊視誰勸屬續誰託惟息負義生慚死怍嗚呼哀哉福清之慈足  
以撫後嗣太廟之孝足以紹先烈惟我叔父其何憾為惟是乎生不耀有  
德孝悌忠信定秉金石人或弗識昧莫竟知是惟子弟之責我不得而敢  
辭願與諸先仲叔季弟收拾懿美緝比行事將考遠日附之窀穸以燕叔  
父之歸則欲報罔極雖不萬一而下見先君庶無愧於異時也長河洋  
莫不親酌匪酒則多續以涕淚嗚呼哀哉恭音眷囊也

又

黃泰之

惟靈慷慨正直得於天資莊靜夷雅負出流輩種學績文優游乎聖賢之  
域砥節礪行周旋乎規矩之內奉親長著孝友之風飭子弟有義方之誨  
繫厥德之純備宜享齡之未艾胡六旬之甫及乃一疾而遽蛻莫能詰造  
化之小兒殆將任勞逸於大塊某等怡愉骨肉繼繼情爰茶甌酒盞日聚  
時會感佳節之過眼悵音容之何在慘黃花而無色對西風而一酌嗟物  
是以人非覺肝裂而腸碎飲此恨於終天想英靈之不昧嗚呼尚享

祭兄文

王九萬

以道自娛與人無忤不取必於藥劑亦何心於喜怒兩庵之間三十餘年  
自謂清虛餘齡可延夫何微疾暨不及生且暮使人駭愕弟兄五人  
兄實居長歲晚相依何遽先往嗚呼哀哉上有百歲之親而遽違其甘旨  
下有半醉之孫而未及其長成度兄於此既不能瞑九泉之目而弟之於  
兄曾不及侍湯劑問安否尤其飲恨而吞聲也耶薄言卮酒聊寫哀恫靈  
其不昧鑒此悲悰

又

宋壺山父

嗚呼痛哉人皆有兄弟而吾家兄弟異於他人自古皆有死而吾兄之死  
實為痛心吾兄之生稟受素弱迨十二三始謝醫藥性靜而專學始啓鑰  
遇事沉冥外若踈略至所當為曾無退却其之與兄相較四歲家塾追隨  
跬步不離齋盃半篋齋飢祭糲螢雪一窓牽寒布被藥中之史取同苦味



嗚呼痛哉丙辰失怙韶齒飄零使非吾母曷能至今吾母孀居教子及上  
軻親擇鄰參母斷織六子一心恪共子職癸未閔凶頗異疇昔焚本同煙  
已而各食居本同門已而各室某之營巢隨分補葺兄時往闕靡有寧日  
兩坐篝灯相與歎息話及卜居頗憂事力迨兄屋成規模奕上屋地寬闊  
花窠雜植鷗盟鴈行曾無疏戚消閑琴樽詠物篇什義理切磋師友之一  
或者好奇過自矯激大言雄誇盛氣揮斥兄雖忘言了然胸臆嗚呼痛哉  
兄昔之存間日不見若有所失兄令逝矣幽上泉扉入不復出嗚呼痛哉  
韶音條小兒髮亂初謹切毀齒也

又 振父

澗谷

嗚呼昔兄屬纊弟適遠遊欲有言而不得今兄卜葬第方嬰感欲有言而  
不能非惟不能言不忍言所不忍言再從弟兄往時節序會弁如星何丙  
午之夏逮庚戌之春不匝四年而喪五人惟柳池之禍酷益不憖遺一老  
而相繼乎沈淪嗚呼我兄人稱其藝而弗知其為道中之藝人美其才而  
弗知其為德中之才人之弗知固於兄不見其損何天亦弗知而卒使之

彩鏤而光埋我哭我兄心折肝摧誰共讀書之燈誰銜樂聖之盃誰能發  
一言而願為之解誰能祛一惑而心為之開有埃者絳有殘者梅惜也已  
矣嗚呼哀哉

祭弟文 深甫

王介甫

嗟嗟深甫真棄我而先乎孰謂深甫之壯以死而吾可以長年乎雖吾昔  
日執子之手歸言子之所為實受命于吾母曰如此人乃與為友吾母知  
子過於予初終子成德多吾不如嗚呼天乎既喪吾母又奪吾友雖不即  
死吾何能久拊胸一慟心摧志朽泣涕為文以薦食酒嗟上深甫子尚知  
否

祭姪文 伯初

澗谷

嗚呼以吾兄之厚德而喪其家嗣和吾兄之逝曾未三年而子亦繼之以  
死和吾兄之壽幾八袞而子乃不滿五十和抑人孰不死而子乃不得死  
於壙下和嗚呼哀哉吾兄雖亡而子之心足以周物其才足以任事其委  
曲績粟足以與世周旋則吾家所賴以屹然鼎立者子也而遽死和嗚呼



哀哉子雖當賞延而不肯安於賞延雖取科第而不能逐其科第其未酬  
之志氣未了之功名徒為失與不失者咨嗟出涕而已豈吾溪園翁之言  
命雖不規<sup>上</sup>於合而其數之大者竟不可避歟嗚呼哀哉人之失見方其  
少也不能以不異及其涉歷也不能以不同丙午丁未以來吾兄官于蜀  
吾以次當家事多直致不虞嗚<sup>上</sup>之為悔也如是七年而吾兄歸又十年  
而吾兄亡子當其難憂端如芒裘焉而不屬乎領目焉而不隨乎綱然後  
慨然向我曰乃知嗚<sup>上</sup>者始之悔而終之吉也吾於是期予以進步而子  
已忽殞其身矣嗚呼哀哉子之身雖殞而子之事未竟也以言乎為子則  
子之事未竟也以言乎為父則父之事未竟也博<sup>上</sup>孤兒年已十八獨此  
一事差足自慰而善惡之幾又莫要乎孤兒之自處何如也憶昨歲除別  
吾而東吾以衰告謂非昔同且一年而三跌尤非暮齒之所宜蒙懼吾生  
之有涯不見子宦轍之西東子忽澹然而各淚吾亦為之耿<sup>上</sup>而忡<sup>上</sup>孰  
如此之為求訣和曾不十旬遺吾以哀恫嗚呼壬戌仲夏日二十九衣衰  
服而哭吾兄乙丑仲夏日二十九衣衰服而哭吾兄之子浮世如此酷禍

如此叫呼蒼天曷其有已

祭弟婦文 李氏

立雪

嗚呼憶昔我母育我弟兄歸寧于母母女話情母告女言我養汝苦汝今  
養兒猶我養汝我後百年汝兒當大汝後百年誰憶我在我子我孫汝孫  
汝子世<sup>上</sup>婚姻猶我不死母告我父<sup>上</sup>惻然約婚吾舅姻乃再懸汝歸  
吾家孝順第一和氣滿堂生意滿室大嫂主饋小嫂主茶兄弟力學翁姑  
力家汝生汝兒吾婦乳抱我生諸兒汝亦我報兒佳婦佳人盡翁賀翁死  
母喪大事汝佐汝兒已婚汝女已嫁汝室汝居汝構汝梁壬申之臘舍我  
而東室迹人迹猶居之同意汝百年相我仲弟白頭團柶晚福如意家人  
往來謂汝多病我居我家瘡亦滿脛弟步康健訪我則頻我往訪弟不月  
則旬我步蹣跚<sup>音縈冊</sup>跛行也訪必留飯汝杯汝盤有敬無慢嗚呼昔汝同居汝  
病猶少今汝各居病曷纏繞昔汝同居病尚吾藥今汝各居死不復作汝  
夫誰相汝家孰執持孰教汝婦孰淑汝兒二兒咿<sup>於雅</sup>誰果誰栗青燈洞  
房空照影隻嗚呼人生百年骨肉能幾吾弟兩人其一已矣獨有吾弟



有吾妻與汝處久汝復我違汝死無憾了女子男汝葬已卜于陂之南嗚呼人生百年死者結裏如汝如今死豈不可嗚呼人生于世有愛有憎如汝之死皆憶汝生嗚呼吾老且病季子未婚汝愛骨肉俾婿李門汝言方行汝目已瞑金諾雖存玉帛誰聘我苟未死汝姪必歸他時成婚愈重我悲嗚呼有言莫盡有衰莫窮一杯酌奠聊寫我衷

祭姑文 劉氏葬

劉省軒

嗚呼哀哉吾家數世禮義詩書姑之生也綽乎房惟之秀循乎閨闈之儀性溫乎其敦厚心坦乎其乎夷繫有熊之苗裔隆世德之本支姑之歸也相理家事一以勤儉而寬慈中年得子自幼至長瘁心力而扶持嗚呼親孰不欲其子之賢我姑乃能篤三遷之教而子之承厥志也祭親則不徒以早掇利第為慰立身行己有志乎先哲之歸奉親則不徒以食旨肥甘為養愛心形於辭色必柔婉而融怡孰不欲其婦之順我姑乃能與一家之遜而婦之祇厥事也則晨昏寒燠和声下氣脆如兒女之相依喪亂之後孰無流離與子乃退耕綿上語子以讀書著言惠淑後進而客

有踵門者必升堂講拜瞻皓首而龐眉子願親壽孰無遠期姑雖壽不滿百而年近七十亦人生之所希天復奚憾為嗚呼哀哉人皆謂我姑之無憾抑孰知我之傷悲粵自丁丑驚魂甫定曾淒指默誦我之伯叔諸姑存者其誰乃惟我姑及我季父歸然二老尚賴天之慈遺某在七痛哭流涕以重吾先君之追慕且以歎吾門戶之衰微嗚呼哀哉吾生親之於姑年少三歲常語某曰汝之姑待我真愛我厚我十數年不得一見深懼歲月之易移頃歲聞某欲挈家就館遂勇贊其決然今既來居也方倚姑門為重胡乃弃予而莫追嗚呼哀哉去秋初度五捧壽卮常見其筋力康健耳目精明私竊喜其未衰入而問候則必見其絲麻織紉子孫笑語而嘻也今也壽筵變為聖室編衣變為衰絰笑語變為連涕嗚呼哀哉未歿之前初不聞病革忽一日夜叉扣門告訃使某投牀立起驚怪失声而後哭泣隨之何天奪之速而薤露之易晞嗚呼哀哉見吾生之歷落而異鄉之羈棲每厲耳以提誨善自立其庶幾某當警發刻厲佩斯言而繫遺且令子之愛我謂心事其我知許從遊於盤谷指歲晏以相期靈其有知而克相



必無異於生時謹酌卮酒瀝寫哀辭言不能文涕泗交揮嗚呼哀哉嗚呼  
哀哉尚享

祭姊文

前人

我本生家同產維七八十六年歸然者一懿德難備成德難全眉壽難及  
考終難能追惟平生一一愜滿婦道母道可付彤管時方离乱而獨團  
時方愁蹙而獨寬閑平生康強無一日疾迹來徃和曾不數日仍復眠食  
仍復盃觴仍復笑語遽然云亡昔人深非為姊煮藥弗及進我淚迸落姊  
今已矣弟亦龍鍾臨風一慟鑒此哀恫

又

熊符谷

嗚呼痛哉人孰無親何其孤且艱邪人孰無家何其羈且迤邪人孰無憂  
何其殷復伴邪伴音胖人孰無疾何其棘復痊邪人孰無子何其風沙搏  
邪人孰無妾何其鳴臬奸邪人孰無死何其抱沈寃邪人孰無寃是必往  
呼天邪天道幽遠人道近可言邪以人占天何近何遠特一息之間邪嗚  
呼痛哉

姊祭弟文

陳亮

嗚呼吾弟棄我而去曾莫我告今又葬矣迫期而報欲辨一飯形影相弔  
有東無西徒此號叫強學力行汝才既卻愛敬且發汝心皎上汝不自欺  
人亦汝保何生之佳而奪之早汝今且死有妻尚少汝往安乎子庶克紹  
覆載無窮幽明之間人壽百年不能俱到闔闔變化其端固歎兄弟一體  
隔世與肖汝其順聽安此宅兆不在其身惟其感召吾夫視汝形影相照  
臨穴不及肯此顛倒三日七驛空焉悔悞樽酒薄禮為我一醺

妹祭姊文

嗟上吾姊而至斯邪淑德懿範婦則母儀而此罹邪好問周密天倫之愛  
深訓撫諸甥猶子之情篤去春一別亟迫再會近此遘疾居然長辭生不  
得視疾於其旁歿不得與殮於其側甫經八旬乃獲一慟頓瞻影像音容  
杳隔竟而有知能不助其悲邪嗚呼哀哉

祭親家文

朱時發

陳了翁

嗚呼昔會靜海于今六年君護喪歸我以竄遷迨隔三江懼無還期天子



仁聖復令我歸離合之時未得君訃單舸比來猶冀復晤白沙之傳初信  
且疑今知果矣孰如我悲君老苦學趣一而專富而能貧內無間言寂默  
能仁為方外師志者於仁孰得而疵仁則宜壽胡不期蒼天所促延人奚  
可考君於世味澹乎其歸苦樂壽夭存歿豈移淮江阻脩莫不以時情發  
於辭君其鑒之嗚呼尚饗

又李帥發

熊子功

惟公受天間氣為世偉人風采凝重操履真純處貴猶賤居富若貧家學  
源流醇乎又醇和氣可掬甚於陽春知從巫仕流譽振上彩捧宣威發  
如神贊畫泉司歲衍萬緒種花兩縣人皆服馴何以美之翁歸信臣厲者  
便江鼉鼠為鄰民命安否係公一身他人處此能無逡巡惟公視民與已  
惟均且擒且戮且撫且循立使頑俗居然再淳帝曰汝嘉式副選掄持班  
峻秩恩異等倫泛蓮上幕寵命方新玉樓召記天胡不仁人生須臾直如  
盈信如某者瑣上之姻自公來歸欲尾賀賓公亦有言日望相親志願徒  
切卒莫之伸及此永已抵益悲辛拊棺一慟匏繫無因緘辭往奠疏醑薄

陳

祭親家母文

惟靈之生婦德著兮柔淑且慧亡怨庶兮賢哉主饋大克助兮敬長恤孤  
宗姻譽兮既肥其家幹而裕兮振上繩上繁而庶兮宜耆而艾何朝露兮  
彼蒼者天莫之籲兮胡其不仁奪之遽兮如晝而夜抑定數兮伊令仲子  
予女女兮粵予外孫而許娶兮再世婚姻嗟莫顧兮追懷感傷曷云喻兮  
載以清醑穀饌具兮伊禮之薄蓋其慊兮嗚呼靈兮莫予吐兮

祭妻父文

嗚呼泰山其頽哲人其萎義雖半子情實傷悲嗟今之人俯首徇世涵腴  
弃瘠乃其常態惟公操尚激烈慷慨擺脫塵俗傲視天際嗟今之人動生  
機撼翻覆之雨鴛鴦混昧惟公識鑒篤於交契田長吾敬曰善吾拜余當  
少年知音者希公獨藻鑑曰真男兒遂妻以女歸奉慈幃荷公之愛恩與  
山齊柰何微恙遽即長逝嗟乎寸上兮腸斷滴上兮血涕酌以卮酒千秋  
萬世



嗚呼鵲巢之風久矣其亡有德斯潛亦耀于鄉宜其家人退食朝堂壽考而終令聞不忘其忝半子情實悲傷嗟乎紅塵香兮路荒上白雲去兮之何鄉涕交流兮雨零上有肴在俎有酒在觴靈其鑒之尚享

祭女婿文

予非水清賴汝為玉潤予以子妻荷爾敬如賓 乘龍之望未滿鳴鳳之占已虛

祭外祖母文

立雪

嗚呼今人立家惟艱吾觀吾舅白手為間挑灯教子夜雨膏蘭酌酒宴賓春風非盤豈不其富然亦夫人克相之難也三鳳一麟左右後先鬢未及雪其孫已玄意或偕老而百斯年吾舅先謝夫人獨存堂上戶門翼上立園無忝厥後有加子前秋露滿空秋月正兮當此之時父老童兒一杯十歲于以壽夫人之壽於無窮室釵猶存玉鏡如故云胡此身溢先朝露盍合反病不及問死不及知易實不迭而送歸輜光陰幾何窳安已屆山川

悠遠靈且行邁循題而哭望冢而哀嗚呼夫人一往不來豈無瘞牲亦有清醕菟弓有知鑒我青島

祭舅文 李公擇

黃魯直

盛德之士神人所依珠玉在淵固有光輝時方才難公墮于道彼天悠遠莫我控告士喪畏友朝失宝臣我哭之慟不惟懿親公處貧賤如處休顯温上不試任重道遠內行純明不缺不疵臨民孝慈來歌去思其在朝廷如圭如璧忠以謀國不沽予直熙寧元祐言有剛柔公心如一成以好謀十年江湖粹然生色十年王計鬚髮盡白他日謂我何喪何得我知公心謀道憂國出牧南陽往撫益部擢責辦嚴笑語即路天下期公來相本朝奄成大夜終不復朝嗚呼哀哉我少不天殆欲堙替長我教我實維舅氏四海之內朋友比肩舅甥相知卒無間然今天喪我舅氏傾覆誰明我心以血繼哭平生經過為我舉觴沃酒棺前割我肺腸嗚呼哀哉

祭外姑文

張欽夫

惟靈生於相家來嬪德門奉饋采藻克謹晨昏如賓之敬婦道則宜逮夫



晚歲有光母儀允矣三德協于彫史胡不百年求庇孫子憶在柔兆獲拜  
于堂辰幾一周有淚淋漓我悲終天靡怙靡恃起尋渭陽痛復抵此傷哉  
道遠一慟莫前薄禮將誠靈其鑒焉

祭甥文

陳了翁

吾與乃翁俱為窳人我來萬里與鬼為鄰瘴毒之鄉朝不保夕謂必與汝  
平生永隔吾衰既久汝方妙年孰謂汝也而弃我先唯吾二家世接姻眷  
汝母及汝吾妹吾倩我取能掌天寶使之迺翁南流亦豈人為仲取高第  
既得而奪汝性孝友知汝愷上左右就養不營其私隨泊湖外五年于茲  
不得汝書今兩歲矣形阻心親不隔万里信自北來吾心楚然云何不淑  
乃以訃傳我初論事即捐其生杜門待盡符到奉行家如夙牒任其浮沉  
勢不能保豈無愛心死者歸也汝既歸矣吾雖未歸俟命而已汝生不幸  
汝死不亡千載之後聞者歎傷嗚呼哀哉是苦紅反

祭姑夫文

李提舉

陳了翁

嗚呼昔我先君愛鍾令文擇所宜從以歸于子子昔悼亡我方居憂痛在  
手足涕不可收孝妹繼適今能幾時子既殯矣孰知我悲我非明哲觸禍  
固宜子亦放廢一斥不歸窮達死生所遭各異海波則殊水一而已數極  
而化亦又奚傷君子之道死也不忘

祭妹夫文

祝天惠

趙承之

昔我叔父少失其配纍然二女誰恤誰恃先君鞠之蓋猶出七伯長且賢  
以配君子維時君子好學發憤方少而剛在窮不恤屢舉于鄉而輒不偶  
布衣儒冠以至白首後生紛上或登而先昔也約履公而自賢先生幡然  
志節弥厲奔走四方以至于死嗚呼哀哉某兄弟幼孤且愚先生教之讀  
以詩書獲游薦紳則維公賜我圖報之而乃如此嗚呼哀哉想公平生舉  
白呼盧憶公疇昔慷慨捋鬚涕泣陳觴叙訣梓里猶有諸孤敢不終始嗚  
呼哀哉

祭外舅文

樊寺丞

葛謙白

嗚呼宣和山陽公始女女不余庸陋甥館見處決旬別公侍親臨安有燁  
其旆公來自楚欲視其息不俾羈旅公官蓬池我舟繫渚公為歡迎倒屣



延時闊展杯盤侑以歌舞龍集甲辰注官銓部十口累公遂閱寒暑出乘  
公車入蔭公字寧勤館人喜侍揮塵虜動維揚歲在丙午變起倉卒公渡  
江浦僑寄吾邦始獲按堵草上茅茨連墻接武履艱踐危更相勞苦忽起  
越吟莫諧久聚甲寅外姑玉樹埋土我攜弱妻一慟塋所辱公淹留曲加  
俯向前年孤城羣顏再覩勤公放船來訪郊墅時病耳聰中響翅羽意謂  
仁人何恙弗愈遽違我行咽不得語莆陽之官冒涉脩阻歸未黔突丹旒  
歟舉嗚呼哀哉惟公早齡天授才諳智上入承府寺出二藩府所臨有  
聞德洋恩普矧惟平生陰德莫數天災告飢輒發我更為梁千文不靳囊  
褚謂當大臺哀職是補如何弗淑遽沈幽戶嗚呼哀哉我婿高門歲二五  
五訃音忽來痛貴心齊道里于艱神棺莫撫遣介伸哀隕淚如雨有酒在  
觴有肴在俎歆此微誠公其勿吐煦香句反

**師友**

交游故舊

祭延平李先生文

朱元晦

道發千載兩程勃具有的其緒龜山是承龜山之南道則與俱有覺其徒

望門以趨惟時豫章傳得其宗一輩一瓢凜然高風荷歟先生早自得師  
身世兩忘唯道是資精義造約窮深極微凍解冰釋發於天機乾端坤倪  
鬼秘神彰風庭之變日月之光爰暨山川草木昆虫人倫之正王道之中  
一以貫之其外無餘縷析毫差其分則殊體用混圓隱顯昭融乃變並時  
浮雲太空仁孝友悌灑落誠明清通和樂展也大成婆娑立林世莫我知  
優哉游哉卒歲以嬉迨其季年德盛道尊有來握衣發其蔽昏侯伯聞風  
擁篲以迎大本大經是度是程枕駕云初講議有端疾病乘之鑿窮技殫  
嗚呼先生而止於斯命之不融誰實尸之合散亟伸消息盈虛廓然太公  
與化為徒古今一息曷計短長物我一身孰為窮通嗟惟聖學不絕如綫  
先生得之既厚以全進未獲施退未及傳殉身以歿孰云非天某也小生  
叩角趨拜恭惟先君突共源派閭上侃上欽社推先水壺秋月謂公則然  
施及後人敢渝斯志從游十年誘掖諄至春山朝榮秋堂夜空即事即理  
無幽不窮相期日深見勵弥切蹇步方休鞭繩已掣安車暑行過我衡門  
返旆相遭涼秋已分某於此時適有命召問所宜言又覆教詔最後有言



吾子勉之凡茲衆理子所自知奉以周旋幸不失墜歸裝朝嚴訃音夕至  
失聲長號淚落懸泉何意斯言而訣終天病不舉扶歿不飯舍奔赴後人  
死有餘憾儀刑永隔卒業無期墜緒茫茫孰知我悲伏哭柩前奉奠以贊  
不亡者存鑒此誠意

送延平李先生葬祭文

朱元晦

山頽梁壞歲月不留即遠有期親賓畢會柳車旣飾薤露懷悲生榮死哀  
孰不推慕某等久依教育義重恩深學未傳心言徒在耳載瞻總綽弥切  
痛傷築室三年莫酌夙志幸觴一慟永訣終天嗚呼哀哉

祭師江丞相古心先生文

須溪

嗚呼自詔勤王予心獨苦平生師友歲晚伊阻人之訛言不祥歟或  
告我三番陽湯君然傳聞百不一實何獨於公如見隕越晝思誰平夜夢  
屢驚猶聞靈光乃卒奠楹蒼天夫子何罪死何倉猝誰歛誰祔體膚  
如何血裾我欲見公浹洗模糊公非無子有子有弟其存其亡孰莫  
予寄疇昔之言歷七托孤門生滿眼責獨在予念公守吉予甫十歲焉知

其後十五年事上書窮途祭酒諸生欣然起我文特峻清公闡來朝或獻  
宿士公迎謂曰此必劉子相期第一策及步兵謀掃除學步摸索暗投太  
學半年受知再面公歸同野實始往見攜提反復于建于閩我知處女公  
我父兄公寧少余曰我畏友每書渠君母予母脩門出走風雨對床執  
手奈何別淚浪逝將弃官終老黃石豈謂蘭書聊永今夕江東辟召失  
匪前期暨還初服不從袞歸位置稱觴亦豈公意遭罹酷罰公撰銘誌八  
年出處於誌有之斯文太老寧為尔私外人不知公以我累公曰不然我  
實子愧哀哉已矣明不負幽七年又見無約不酌昨秋三宿言餞江畔怪  
公異遇後約春半風塵渺迷共擬迎公孰知昔別三至愈凶玉色金声光  
風零月幾七千仞柱折維絕我有死母公實葬之我有稚子公實獎之身  
後之盟可質九地掛劍心存蓋棺事異悠穹壤貌七八絃公非無往死  
不離城曰我重臣無所逃死生而被執為國之耻亭名止水左手攜孫白  
刃紛紜哭入九泉人言全歸願得死所死而若此尚庶無負使公守土使  
公柄朝堂七守節魂不待招公毋弃我七公慕子魂如可招於我歸只



祭林拙齋文

呂伯恭

昔我伯父西垣公躬受中原文獻之傳載而之南裝回顧瞻未得所付諭  
嶺入閩而先生與二李伯仲實來一見意合遂定師生之分於是蒿洛關  
輔諸儒之源流靡不講慶曆元祐羣叟之本末靡不咨以廣大為心而陋  
專門之曖昧以踐履為實而刪繁文之枝葉致嚴乎辭受出處而欲其明  
白無玷致察乎邪正是非而欲其毫髮不差斯夕函丈無聞不信也無不  
行前望聖賢大路九執自詭以必可至三歲一詔士子莫重焉先生方上  
名於春官慨然惜會合之難而緒業之未竟也亟改轅解鞅而輟行其視  
內外輕重之分可謂審矣里吾之良若方若陸夢郡之士若胡若劉更唱  
迭和於寂寞之濱韜積停蓄固未捨所為人意也未幾聲光四出而不可  
遏州黨推擇吾東面之席踵門請起至再三不得已而臨之長樂之士  
知鄉太學知尊前輩知宗正論則皆先生與二李公之力焉嗚呼西垣公  
既不及公道之開而二李亦皆以布衣死獨先生甫入東觀若將有為而  
病輒隨之中原諸老之規模迄不得再白於世其用捨必有所繫矣嗚呼

心迹之判固非達者之論區區專信耳目而量君子之用心則亦有大謬  
不然者先生所遇多忤少合意雖可尋而事不大見中雖無愧而外不及  
知悠化斯世識此心者幾何人哉嗚呼先生之臥家左支廢右支緩手不  
能指授口不能劇談若無與乎世道之升降抑不知百圍之木顛童立祐  
猶足為丘樊之鎮一旦仆地則意氣衰落無復故國之遺矣嗚呼痛哉其  
未冠綴弟子之末行期待之享獨出於千百人之右顧譎薄安所取此實  
惟我西垣公之故施及其後世培植前夜閔焉如農夫之望歲也齒髮  
日衰業弗加脩愚不自惜大懼先生之功力為盡施每覩然慙惕然恐也  
聞先生之喪念以辭侑奠而思慮不專條貫靡究筆屢下而復柅也既半  
歲矣而所言乃止於是蓋至善難名至痛無文而迄不能成章也先生之  
存音問雖闊疎舉首南望猶有虞焉今遽撤其所畏幾何而不為小人之  
歸也惟當與二三子尊所行所知使先生未伸之志猶有考也尚享

祭張敬夫文

朱元晦

嗚呼自孔孟之云遠聖學絕而莫繼待周翁與程子道乃抗而不墜然微



言之輟響今未及乎百歲士各私其所聞已不勝其乖異嗟惟我之與兄  
昭志同而心契或面講而未穷又書傳而不置蓋有我之所是而兄以為  
非亦有兄之所然而我之所議又有始所共向而終悟其偏亦有蚤所同  
齎而晚得其味蓋繳紛往返者幾十餘年未乃同歸而一致由是上而天  
道之微遠而聖言之秘近則進脩之方大則行藏之義以兄之明固已洞  
照而無遺若我之愚亦幸竊窺其一二然兄喬木之故家而我衡茅之賤  
士兄高明而宏博我捐狹而迂滯故我常謂兄宜以是而行之當時兄亦  
謂我蓋以是而傳之來裔蓋雖隱顯之或殊實則交須而共濟不惟相知  
之甚審抑亦自靖而無愧嗚呼孰謂乃使兄終在外以違其心予亦見縻  
於斯而所願將不遂也政使得聞以就其書是亦任左肱而失右臂也傷  
哉吾道之窮予復何心于此世也惟脩身補過以畢餘年庶有以見兄于  
下地也聞兄之葬而不得臨獨南望長號以寄此酹也惟兄憐而鑒之尚  
陰有以輔予之心也

祭呂伯恭文

朱元晦

嗚呼哀哉天降割于斯文何其酷邪往歲已奪吾敬夫今者伯恭胡為又  
至於不淑邪道學將誰使之振君德將誰使之復後生將誰使之誨斯民  
將誰使之福邪經說將誰使之繼事記將誰使之續邪若我之愚則病將  
孰為之箴而過將孰為之督邪然則伯恭之亡曷為而不使我失聲而驚  
呼號天而慟哭邪嗚呼伯恭有著龜之智而處之若愚有河漢之辨而守  
之若訥有雲夢之富而不以自多詞有黼黻之華而不易其出此固今  
人之所難而未足以議兄之彷彿也若乃孝友絕人而勉勵如弗及恬淡  
寡慾而持守不少懈盡言以納忠而蓋為許東義以飭躬而耻為介則若  
古之君子尚或難之而吾伯恭猶歛然而未嘗以自大也蓋其德宇寬洪  
識量閑廓既海納而川停豈澄清而撓濁矧涵濡於先訓紹文獻於厥家  
又隆師而親友極探討之幽遐所以稟之既厚而養之深取之既博而成  
之粹宜所立之甚高亦無求而不備故其講道於家則時雨之化進位于  
朝則鴻羽之儀造辟陳謨則宣公獨御之對承詔奏篇則右尹祈昭之詩  
上方虛心而听納衆亦注目其敷施何遭時之不遂遽縈疾而言歸慨一



卧以三年尚左圖而右書間道以曳杖恍沂上之風雩衆咸喜其有廖  
異卒德其素蘊不則傳道以著書抑亦後來之程準何此望之難必奄一  
夕而長終增有邦之殄瘁極吾黨之哀恫嗚呼哀哉我實无似兄辱與遊  
講摩深切情義綢繆粵前日之狂書尚粲然其手筆始言沈痼之難除猶  
幸死期之未即中語簡編之次第卒誇草樹之深幽謂昔騰茂而有約盍  
今命駕以來遊欣此旨之可懷慄計車而偕至考日月之幾何不旦莫之  
三四嗚呼伯恭而遽死邪吾道之衰乃止此邪既為位以泄哀復緘辭以  
寓真真詞歲之有間尚前言之可踐嗚呼尚享

祭陸教授文

朱元晦

學匪私說惟道是求苟誠心而擇善雖異序以同流如我與兄少不並遊  
蓋一生而再見遂傾倒以綢繆念昔鵝湖之下實云識面之初兄命駕而  
鼎來載李氏而與俱出新篇以示我意懇上而無餘厭世學之支離新易  
簡之規模顧予文之淺陋中獨疑而未安始聽瑩於胸次卒紛激於談端  
徐度兄之不可遽以辨屈又知兄必將退而深觀遂遂巡而善返悵猶豫

而盤旋別來幾時兄以書來審前說之未定曰子言之可懷逮予辭官之  
未獲停驂道左之僧齋兄乃枉車而來教相與極論而無情自是以還道  
合志同何風流而云散乃一西而一東蓋曠歲以索居僅尺書之兩通期  
杖屨之肯顧或慰滿乎予衷屬者乃聞兄病在牀亟函書而問訊弁裏藥  
而攜將曾往使之未返何來音之不祥驚失声而隕涕沾予袂以淋浪嗚  
呼哀哉今茲之歲非龍非蛇何獨賢人之不淑爰因吾黨之深嗟惟兄德  
之尤粹儼中正之無邪至其降心以從善又豈有一毫驕吝之私邪嗚呼  
哀哉兄則已矣此心實存炯然參倚可竟情昏孰泄予衷一慟寢門緘辭  
千里侑此一樽嗚呼尚享

祭魏國錄文

朱元晦

人生而材乃克自貴材者亦多鮮或有志倚歟元履才英氣豪凌空越遠  
志節堅高爰自弱齡声華秀發事賢友仁其聞四達迨其中歲攷古驗今  
訂以經術益宏益深聞人之善若獲於已推之揚之情曷能已視人之阨  
若已擠之是振是拔力無有遺漢發立林歲月遲莫聘幣鼎來片言感悟



誦當用世遂究厥施誰謂落也乃過其歸也來考槃于澗于陸樓也之忠  
永矢弗告謂當暫渴尋復詔追誰謂一疾而訖於斯嗚呼哀哉念昔交情  
兄膠我漆更攻互磨兄王我石世途艱險孟門太行兄行我憂兄歸我藏  
與兄同心誰則如我奚必梁立君可亦可兄實高明卒監此心顧託警勵  
琅上其音詞佛詆巫考礼正俗奉承靡他葬又得卜長坂之阿兄所樂游  
孰云茲今有墳其立謂我宜銘亦兄所寄行高文卑紙以為累日月有時  
緝綿束芻長衝寢門愧恨何如若惟神靈尚記疇昔感此哀誠來飲來食  
萎翼在門往寧厥宮沒而不朽君子之終

祭劉參議文

同前

惟公文足以取高科才足以躋顯仕踐揚中外三十餘年吳獨之鄉自尉  
而令康新之郡由貳而專白首班衣內既歡於榮養朱幡早蓋外益謹於  
承宣旋登王畿出參幕府人謂低徊而不偶公獨委蛇而泰然方將告休  
天朝言歸故里接神乎香火之社玩意乎詩史之編何一病之不瘳遽百  
年之難料悵輻車之既駕倏丹旆以孤翩行路酸辛知名悼恨而况邦人

與邑子孰不齎咨而涕漣嗚呼哀哉其以孤童早依仁里無所肖似獨荷  
知怜登高寫懷每激紛而近後探囊搜秘或擊攫以爭先以至發廩勸分  
築倉移粟既同憂而共喜如合病以齊痊惟此好之難忘感餘生而自悼  
卒空觴而一慟聊永訣乎終天嗚呼哀哉

祭李三谿文

同前

我觀大造賦予萬形其所甚靳惟氣之清獨於三谿清異其稟淵澄岳靜  
玉瑩霜凜平生有手不揖俗人亦有空瓢不惱比隣孤標偉詎四海齒舌  
嚴譏顯誨後輩頹頹句中立壑吟裏乾坤三松之子誠齋之孫青萍一試  
地軸撼折鐵笛二弄月樹碎屑枚數清事有獨無對我評翁清乃在此外  
道遠俗薄表潔中污豈不能言行弗與俱志隨氣迁心逐境渝不覓妍好  
化為蘧條誰能如公冰蘖自守收科紀三歷仕考九名雖金闥身只村叟  
問其田園荒畦斷畝問其家具老盆塵缶病臂無藥枯腸不酒酸寒蕭疎  
不改其舊改其舊者惟白其首從來詩聲摩戛宇宙小枝區縱亦非壽  
獨持一貧照耀前後清哉卓乎山岳不朽惜我定交折溪之梅朝游著返



夜語晨催我豈能詩公教之裁我豈能字公教之開翁雖我友我敢翁偕  
云胡比年天不憐才能幾何人雪折風摧鬼覆三豪人歸我哀奪至此公  
星黯以回大招小招公來不來

祭胡古潭

同前

嗚呼可驚可游而規賢矩哲能飴能醴而觴露豆雪孰思其厲予羗古  
雅以自潔心幽詣而深研志高引而橫絕詩軋唐而典邃詞挾騷而激越  
方紆餘兮歲夷猶峭萃兮截嶠忽入理兮弘然寒冰壺兮涼月嗚呼悲夫  
國小地狹人患無資光埋彩鏹又患無時孰如君兮出處具宜處也有試  
出也有施內直外方敬義夾持以之使民冉雍之規酌以下泉療腹中飢  
以之洗貪隱之之題伐木求友停雲佇思以庇天下少陵之詩奈蒼天之  
無情乃緩予而奪亟草正芳而鴉鳴日未叙而鵬入叫臺城兮雲悲撫鍾  
阜兮煙温嗟先生兮何為美幾何兮門及書不多兮情親面非數兮神挹  
悵輦流兮畧盡耿彷彿兮獨立雖橫槁梧忍發殘什臨風寄酌桂兔為泣

祭蕭太山

黎立武

鼎山昂屹秀水沕瀟妙凝神氣間生英物清姿鵠舉奇彩豹蔚媿皇規姚  
衍孔刮佛雲煙千紙風雨一筆秦銘楚些韓碑柳碣梁噫之五枚發之七  
金薤琳琅華虫黼黻神幻鬼化天軋地岳觀者迷眼讀者翕舌隸楷龍眺  
行章矧結百年寡二四海遜一盤古蓋壤大聲摩拂百粵炎荒微官泆汨  
東觀之遊西雍之列仙源纂圖曲臺抱絕橋蝶名靈蕉鹿夢絕宜演論言  
宜補袞闕甫命祝輦旋頌召節集鸞識凶駢麟被髮返訃耳驚盡傷腸裂  
昔也捧袂從遊書室今也結綬聯班禁闈非莫薄芻哀詞泣血英靈  
永訣

祭潘子臯文

名揚利區爵標勢的釋奔毫馳百年一日義路仁宅道源性淵有能用力  
一日百年之子之才之識之操萬里首途遽以病告意長歎短獲歎殖豐  
寸心惇然持此以終有親未報有弟未立有養未充有志未畢合是數者  
厲之五徒矢口而言發不渝里門相望伯仲叔季責以撫存亦孔之易  
道幸之責喬嶽高立毋或不勝重遣子羞嗚呼哀哉



南官

祭韓魏公文謚忠獻

司馬君實

惟公仁義忠厚得之自然所施所履命世之賢冠登甲科声名四傳聯輝  
冊府表傑英躋徊翔諫署風節孤鶩擢升法從壯觀近班賊吳叛命西領  
中樞經畫應禦勤勞累年戎醜來庭延登樞府道德之俊同時入輔室姦  
塞邪剗弊除蠹謗言陰挫分符以去中山太鹵太行東西連開戎府彈壓  
羌夷天声萬里雷動神馳帝思勲舊召還廟堂帷幄論道海宇樂康仁廟  
晚年少陽虛位天下大本未有所繫公常深念圖建家嗣引古畫言山岳  
其意忘身忘家無所顧避聖心感悟遂定大計合天符人英廟主器夷夏  
歡呼声震天地千艱萬險公若平易六龍飛天帖無一事俄膺顧命今上  
嗣政永厚復士力辭大柄得殿本邦均作遂性未離闕庭西陲微擾天子  
詔公改師咸錫義不辭難受命戒道事寧求還復守鄉閭至始閱月又遷  
魏都時議者建青苗之令出錢取息始惠終病抗疏論列辭嚴義正天子  
動容賢路交慶四見炎涼復臨安陽燦々錦衣煌々繡裳願上印綬十拜  
封章宸眷深厚未頒俞音遽嘆逝川莫伸素志嗚呼哀哉自公之薨城邑

田里老壯童幼咨嗟涕泗非德感人孰能如是位居將相殆將二紀萬鍾  
之祿隨得隨施姻親僑客賴公以濟蓋棺之日所餘無幾清白之風照耀  
來世某之樵愚少有倫比久參賓從紬顧特異朝教暮誨意均子弟粗有  
成立皆公之賜撫膺長號肝鬲將毀莫以叙哀痛無窮已英靈不昧敢冀  
歆此

祭司馬溫公文左僕射贈太師

蘇子瞻

嗚呼百世一人千載一時惟時與人鮮偶常奇公事仁宗百未一施獨發  
大議唯天我知厚陵之初先事而規帝欲得民一導無私母子之間莫如  
孝慈人所難言我則易之神宗知公敬如蒼龜專談仁義輔以書詩枉尺  
直尋願公少卑公曰天子舜禹之姿我若言利非天誰欺退居于洛四海  
是儀化及豚魚名聞乳兒二聖見公曰予得師付以衡石惟公所為公亦  
何為視民所宜有莠則鋤有疾則醫問疾所生師老矣疲和戎上策決用  
無疑此計一定太平可基譬如農夫既闢既畱投種未粒矧穫而炊賓客  
滿門公以疾辭不見十日入哭其帷天為兩泣路人垂涕畫像于家飲食



必祠矧我衆僚左右疇咨共載一舟喪具緝維終天之訣寧復來思歌此奠章以侑一卮

祭杜初公文

歐陽永叔

士之進顯於榮祿者莫不欲安享於豐腴公為輔弼飲食起居如陋巷之士環堵之儒他人不堪公處愉士之退老而歸休者所以私自放於閑適公居于家心在于國思慮精深言辭感激或達旦不寐或憂形于色如在朝廷而有官責嗚呼進不知富貴之為樂退不忘天下以為心故行於已者老益篤而信於人者久愈深人之愛公寧有厭已壽胡不多八十而止自公之喪道路嗟咨况於愚鄙久辱公知繫官在朝心往神馳送不臨穴哭不望帷衞詞寫恨有涕漣而

祭歐陽文忠公文

蘇東坡

嗚呼哀哉公之生世六十有六年民有父母國有蒼龜斯文有傳學者有師君子有所恃而不恐小人有所畏而不為譬如大川喬岳雖不可見其運動而功利之及於物者蓋不可以數計而周知今公之歿也赤子無所

仰庇而朝廷無所稽疑斯文化於異端孝者至於用夷君子無與為善而小人沛然自以為得時譬如深山大澤龍亡而虎逝則變怪百出舞鱗鱗而號狐狸昔公之未用也天下以為病而其既用也則又以為遲及其釋位而去也莫不冀其復用至於請老而歸也莫不悵然失望而猶庶幾於萬一者幸公之未衰孰謂公無復有意於斯人也奄一去而莫予追惟世之溷濁潔身而逝乎將民之無祿而天莫之遺昔我先君懷室適世非公則莫能致而不肖無狀夤緣出入受教門下者十有六年於斯聞公之喪義當匍匐往弔而懷祿不去愧古人以忸怩緘辭千里以寓一哀而已蓋上以為天下慟而下以哭吾私

又

王介甫

夫事有人力之可致猶不可期况乎天理之冥漠又安可得而推惟公生有聞於當時死有傳於後世苟能如此足矣而亦又何悲如公器質之深厚智識之高遠而輔以孝術之精微故形於文章見於議論豪健俊偉怪巧瑰奇其積於中者浩如江河之停蓄其被於外者爛如日星之光輝其



清音幽韻淒如飄風急雨之驟至其雄辭宏辯快如輕車駿馬之奔馳世  
之孝者無問乎識與不識而讀其文則其人可知嗚呼自公仕宦四十年  
上下往返感世路之崎嶇雖遭困蹟竄斥流離而終不可掩者以其公  
議之是非既壓復起遂顯于世果敢之氣剛正之節至晚而不衰方仁宗  
皇帝臨朝之末年顧念後事謂如公者可寄以社稷之安危及夫發謀決  
策從容指顧立定大計謂千載而一時功名成就不居而去其出處進退  
又庶乎英魂靈氣不隨異物腐散而長在乎箕山之側與潁水之湄然天  
下之無賢不肖且猶為涕泣而歎歎而况朝士大夫平昔游從又予心之  
所嚮慕而憺依嗚呼盛衰興廢之理自古如此而臨風想望不能忘情者  
念公之不可復見而吾誰與歸

祭范蜀公文

蘇子瞻

仁宗在位四十二年睦而種之有得皆賢既歷三世悉為君臣今如晨星  
存者幾人孰如我公碩大光明導日而升燦焉長庚死生契闊公獨壽考  
天實眷之以殷諸老二聖嗣位仁義是施公昔所言畧行無遺維樂未和  
公寢不寧樂成而薨公往則瞑凡百君子願公無極胡不萬年以重王國  
責難之忠愛莫助之嗟我後來誰復似之吾先君子秉德不耀與公弟足  
一日之少窮達不齊我則無聞先友盡矣我已白髮聞公之喪方食哽噎  
堂上我公豈其云亡望公凜然猶奉我觴

祭張魏公文

王龜齡

惟公孝造明誠才全文武忠孝根於天性節操實乎歲寒社稷之功最高  
親常捧日君父之讎未復誓不共天二十年見斥權臣五百載重逢聖主  
夷狄股汾陽威德兒童知司馬姓名意者天必相之嗟乎命何止此方渡  
江而擊揖遽樂聖以銜盃宣室丹思蒼生望起雖曰閉門絕粒不忘憂國  
愛君中山功未及成讒謗之書盈篋武侯死有遺恨英雄之淚滿襟一老  
不遺百身莫贖其監此假守驚聞訃音忍觀絕筆之銘愧阻臨棺之奠嗟  
吾道之窮已甚非夫人之勵而誰

祭劉忠肅公文

朱元晦

維年月日從表弟具位朱某敢以清酌庶羞奠于近故建康留守觀文殿



孝士彭城劉公之靈嗚呼哀哉天胡付公以瑰奇俊偉之才而不并假以  
耆耄耄期之壽胡位公以樞機藩屏之重而不遂畀以弥綸輔贊之權使  
公名若極富貴而無欲實則抱憂歎以終天此中外志義之士所以聞公  
之薨皆失声而相吊或雖未識公面而亦不自知其涕泗之流連者也嗚  
呼哀哉惟公生有異質早擢魏科退而自保弗競弗譁屈首受書典孝于  
家內充其美外振厥華暨登王朝遂掌綸綽獻納綢繆訐謨密勿忤權觸  
要無所回屈帝眷弗渝試以郡紱受鉞于南勦頑踣兇婉奕赤子撫摩哀  
恫禮資勸孝導和致豐報政三年鄒魯其風帝曰來歸本我兵柄會不幾  
時咨以大政公奮其庸帝虛以聽張磔宏綱塞絕僭令道直身危突不暇  
矚出臨兩鎮威煇恩漸適嬉于堂遽哭于古恩詔起之有竦其瞻公卧弗  
承帝悉其孝曰寃汝哀來覲來教公言益切公守不撓再撫于潭亦顯其  
効乃迁建鄴民病以饑公不寢食坐起嗟咨方畧既張惠術四施曾是流  
殍化為充肥帝嘉乃勲加勞進律倚毗方深遽告以疾忠無隱情揀有遺  
筆帝驚罷朝悼此良弼嗚呼哀哉我以孤童來託公家公不鄙我勸導有

加公姿鵠我性麤麤豈無異同卒莫疵瑕自公進為議論慷慨實始期  
公高光明大公之知我亦晚而最追其永歸手札告戒褒德撫孤古昔所  
難弁以誘我上其敢安把書長號涕隕闌干還坐以思慨其永歎念昔帝  
師為國死義亞傳承之夷險一致屏山雖隱亦豈忘世公襲其傳克廣不  
替衆咸謂公當訖外庸入贊皇極下釐庶工登賢屏姦復境攘戎內繼祖  
考畢其餘忠天胡難謀而止於此群邪交慶衆正心死矧予之衰竊究終  
始願言思公曷其有已嗚呼哀哉昔誦離騷舉公觴兮今拜以哭酌公堂  
兮私情公議兩但傷兮神靈不昧尚克鑒予之衷腸嗚呼哀哉尚享

祭虞雍公文

具位某謹以清酌之奠西望再拜致祭于近故宣撫左丞相先生之靈嗚  
呼曠彼元顏音頑切而緣切音制太惡氣無長江不日投鞭錡也既退權  
也亦潰孰宣王靈式遏狂悖公以書生雍容請行澹乎無管安乎無驚矢  
而石而公則身之有殞我躬無傷我師三軍一人萬人一心彼自迭死無  
勞我擒長蛇噬矣公其殪矣有昊圮矣公其起矣宗祐殆矣公其安矣黔



黎泯矣公其拯矣其後十年乃相吾君進退速遲盍詢國人人曰公來四方庶平公曰吾歸西鄙匪輕俾民知兵俾兵知耕雜渭之濱前無孔明大功垂成大星夜墮我師相泣彼虜交賀公宅于揆人或公咎今皆公息公豈復有維彼之人於公曷畏曷存而忌曷亡而喜維此之人於公曷疑曷生而譏曷沒而思在昔聖賢疇免乎是有無天日我心則愧維公平生憂國如醒齋志下泉目其能瞑昔公在位如富范韓古風蕭上公欲追還率顓衆俊載飛載集而我何為亦寔百執我思其人玉立長身凜焉目中御風駕雲思之弥遠西望岷峨有淚如綫嗚呼哀哉尚享

祭趙信庵文

澗谷

惟公名瞻華夷勲齊宇宙德為天下之老福備極中之壽旂常銘而不盡竹帛垂乎不朽拜遺像之堂上何片辭之能究嗚呼回斡樞極控提邊疆飭蠱為新化弱為強力量如是而城都惟八百本之桑銘騅在控如意在手京觀築山金印繫斗英槩如是而午橋別墅方酣暢乎詩酒五荒大國三建孤旃酋虜仰視怖不敢前威重如是而兒童走卒相爾汝於獨樂之

園豈非踐真而履實載厚而任重昔人所謂五年為之而成者乃公一生之受用上以是而結累聖之知下以是而孚八荒萬里之衆佩吾一字之符于以貫出處而根靜動嗚呼過江以來百四十春黃耳金鉉凡幾經綸若夫却入手之堂印屏當御之車茵清風大節凜乎蒼旻則前姓菊坡翁後惟信國老外是未見其人也宜先帝祇之是諮是訪嗣聖眷之是崇是獎雖非端委於廟堂是亦山中之宰相逮其思岳麓之霜鍾憶洞庭之秋榜乞身告歸留莫能強乃命家督建節而養是又歲晏之至榮優游里第直與菊坡翁而兩者也嗚呼異哉了了去來七十二年康強傑魁潭江起枕采石銜盃翻覆手間仙乎莫回嗚呼異哉公續誰屬長江靜夜颺慘霧肅人見沙頭睽閃閃如燭厥聲砰然公亦瞑目嗚呼異哉公侍先皇雲龍一堂良月廿六稜陵當祥是日招公而遣巫陽弓劍既遠蒼蔡繼亡某等守官公卿密比夏屋聞公錦歸如凍斯煥忽看愁雲飛墮湘曲不見衮衣乃見輜軸轡音椿舉觴一慟天下無福

祭黃簡肅文

朱元晦



大道既隱淳風日弊氣鍾於人鮮克全粹晉而益遠輕肆苟偷言如可重  
考行則差荷歎我公受材特異不假修為默與道契端莊靜一終日欽上  
不動而敬神保是臨賓于王庭昌言大對庸弗順隨久斥于外晚歸獻納  
正笏垂紳時而後發一言萬鈞閣上省遭侃上禁闥權倖顧之心摧氣奪  
孝慈擲擣未返及征引經抗疏羅宴請行帝嘉其忠衆服其勇咸惜公行  
係國輕重公嘗老矣茲復告歸祖帳東門觀者歎歎公在故鄉恂上翼上  
士夫高仰遠迩承式帝曰懷哉舊季之賢乃詢乃訪加璧曰先公拜曰都  
此帝之德盡言不隱是乃臣職公年雖高不校不扶謂當復起駟馬安車  
一病踰年竟以喪告疏有遺忠當丁震悼嗚呼哀哉某以晚季獲游公門  
望公容貌鄙寬薄敦惟其躁輕弗克持久公不鄙焉撫接加厚去歲之春  
入拜公堂公時已病志氣則疆正冠肅容不異平日端拱立談教告諄悉  
豈謂此別之隔死生聞訃欲往竹符是禁寫哀陳詞清綿走酌想像德容  
恍若瞻對顧惟媿惰不克其躬氣言疇昔以此負公

祭真西山文

劉後村

嗚呼先生屬疾聞齋咨上對近臣玉色不怡丞相移書千里迎醫下至閭  
巷婦女童兒皆曰哲人必介壽祺云何一夕去而騎箕在昔范公萬古尚  
夔晚登政府不至冢司學者至今致恨於斯然其謨畫已畧設施先生視  
彼則尤可悲乎生修方未試刀圭謂天無意斯文在茲謂天有意一老不  
遺太平之望竟復何時禮樂之興百年待誰嗚呼昔者之來大帶深衣都  
人聚觀公歸何時今者之遠丹旆素帷都人相弔公去安之矧二三子久  
從吾師要經執紼於禮則宜屬畏簡書僅至江湄覆此一觴慟哭以辭嗚  
呼哀哉



祭謝疊山文

李仲皋

嗚呼疊山峭翠嶺岫直不可撓邪不可干洋上晁董文亞孟韓發策危切  
指斥權姦運去物改忠憤裂肝十年通播閩嶠間閩翁七訛上疾我謂頑  
執拘北往摧辱萬端絕粒自殞儉夫厚顏黃河為之嗚咽秦華為之悲酸  
奄黯七兮莫返旖旎七兮來還嗚呼哀哉文山之沒也千載心為之歎尸  
而撫棺疊山予莫逆也予不能行千載心之所難相知澹隔惟呼冤而求



嘆予將北游瑤臺收凡骨於燕雲之間歸葬首陽狀公之行乞銘于當世  
大手筆俾得與夷齊同傳庶千載之下可考者班七茲遣兒稚一觴代奠  
西風老淚若不堪潛嗚呼哀哉尚享幸才律反嶢在九反阮五九反

又

周岳

自商夷齊漢龔勝至先生不食異姓之粟而死者僅四人夫有宇宙以來  
君臣大義亘萬古而常存然畏死而貪祿者迂就附會自謂枉道而信身  
豈知死重於生禮重於食出於人心蓋惡之真况不義之富貴特太空之  
浮雲惟忠臣義士一點烈士之氣與日月而常新人但知先生文章之渾  
浩學問之深醇嗟乎楊雄非無孝問班蔡非無文章既大節之一失又何  
他美之足云當天地大變之始法已斁而網淪先生奮果不顧身欲扶人道  
之倫力雖不能救世而心則常在乎君親以孔明子房自期兮奈時無可  
託者以遂志之伸尋深山以隱兮方嘯詠乎落花啼鳥之春彼何為者謂  
麒麟之可羈使同犬羊之馴駕赤虬以北征兮耿六合於一塵厭下土之  
腥兮呼吸月露以盪胸中之輪困絕粒不食兮寧舍生以成仁一死得其

所考將以愧天下後世二心之臣夷齊龔勝不得專美於前兮藹百世之  
遺芳函骨歸自燕臺兮旅寓吳溪之濱凜然如生兮其在天之神識與不  
識皆為流涕而况某受罔極之恩第質弱才薄安知如房杜王魏輩異時  
無負於河汾之門隻雞斗酒致奠兮一以哭宗社一以哭斯文尚饗

新編事文類聚翰墨大全卷之四

成集



新編事文類聚翰墨大全卷之五

戊集

喪禮門

挽詩

哀辭

墓誌銘

國卹

仁宗挽詩三首

王介甫

夫序三朝聖行傾萬國天憂勤無曠古治洽最長年仁育齊高厚哀思整  
幅貪欲知千載美道德冠遺編  
憑几微言絕群臣涕泗揮哀號三級陞縞素九重圍天上仙遊遠宮中御  
座非最悲惟幄侍不服未明衣  
同執群方至因山十月催永違天日表空有肺肝摧帳殿流蘇卷鈴歌薤  
露哀宮中垂曉輓西去不重回

神宗挽詩三首

司馬光

決事神明速任人金石堅天機先兆朕聖度緼淵泉仁義生知性息威獨  
化權乾坤無毀息長與大名傳



至德成無象徽名避不居期門戈獵絕步輦宴遊踈餞別金缸暗兵威武  
帳虛蓬萊自安仗猶望駕宮車  
齋禁明承詔金華侍執經微生輕草芥聖澤闊滄溟鹿性安林野葵心注  
闕庭堯天不可望白首涕飄零

高宗挽詩二首

炎祚開中華龍翔自有真揮戈回日照洗甲挽天津立極乾坤大循環雨  
露新嗣皇能繼志詩為武功陳  
曆數堯咨舜堯墻舜見堯三加徽號冊五日未央朝廟祀瞻龍衣韶音過  
鳳簫伏蒲思往事次前浙江潮

太后挽詩

平齋

德名二后並母道兩朝尊勇決高千古危疑定一言先期還政事隆禮改  
山園哀挽西郊道雲愁書亦昏  
扶日行黃道乘雲上紫微憂勞形末命恭儉見陳衣布德開刑網和戎戢  
武威要知懷重處行路涕交揮

名賢達官

挽韓魏公

王介甫

兩朝身與國安危典策哀榮此一時未緣曾聞達官怕山頽果見哲人萎  
英姿颯爽歸圖畫茂德元勳在鼎彝幕府少年今白髮傷心無路送靈輶  
挽司馬溫公三首

黃魯直

元祐開皇極功歸用老臣惟深万物表不令四時行日者傾三接天乎奠  
兩楹堂七寧復有埋玉慟佳城  
國在多艱日人思大雅時忠清居沒世孝友是生知加璧延諸老蒙弓撫  
四夷公身與宗社同作太平基  
毀蒼蓋棺了于今名實尊哀榮有王命終始著民言蟬冠三公府深衣獨  
樂園平生兩無累憂國愛元七

挽司馬溫公三首

陳無已

恭默思良弼詩書正百工事多違謝傳天遽奪揚公一代風流盡三師禮  
數宗若無天下議美惡并成空



百姓歸周老三年待魯儒世方隨日化身已要人扶玉几歸來晚明堂訖  
受圖心知死諸葛終不羨曹蜍  
少學真成已中年托著書輟耕扶日月起癡極吹噓志得寧論晚功成不  
願餘一為天下慟不敢愛吾廬

挽范蜀公

黃魯直

信道雖常尔知人乃獨明書林身老大諫紙字歌傾鰲去三山動人危五  
鼎身保全天子聖几杖送餘生

挽刘忠顯公二首

陳去非

天柱歌傾日堂上隋虜圍遂聞王蝎死不見華元歸一代名超古千年淚  
染衣當時如有繼猶足變危機

一死公餘事由來虜亦人使知臨難日猶有不欺臣河洛傾遺恨英雄歎  
後塵煌煌中興業公合冠麒麟

挽朱文公詩

曾景建

皇天開太極庚戌聖賢生六籍文將絕千年道復明淵源羅仲素師友李

延平遠舍閩溪急潺湲上洛水声

挽蔡西山

前人

四海朱夫子徵君獨典刑青雲伯夷傳白首太玄經有客鄰孤憤無人問  
獨醒瑤琴空室匣絃斷不堪聽

挽真西山二首

前人

雲出西山雨未成已聞華表鶴飛鳴名未必少黃霸礼樂正緣無孔明  
天下已傳新宰相胸中不改舊書生寒蟾没入少微去從此泰階何日平

又

一片誠心存若丹愛民何止十分寬不成中國相司馬空使蒼生望謝安  
廣益集思今已晚以明佐聖古來難治平一卷黃扉墨留與君王拭淚看

挽蔡父軒

吳雨岩

道學相承祖子孫諸儒誰得似淵源銅川而止誰家世程氏之門止弟昆  
後世定知尊所學當時未及用其言四書功用弥天地惜不推行半魯論

又



識見先幾炳著艱難國事慮危龜山如用救得半君實未亡猶可為  
人渺江濤已如此公騎箕尾欲何止門生老病丹心折竚立空山有所思  
挽范石湖二首

載

姜白石

未作龍蛇夢驚聞露電身百年無此老千首屬何人安得公長健那知事  
轉辛酸風憂國淚高家卧麒麟  
未定情鍾痛何堪更悼亡遺書知伏枕來弔只空堂雪裡評詩卷梅邊被  
樂章沉思酒盃落天闊意茫

挽劉月溪二首

洪平齋

玉珮華裾翠霜鬢醉頰紅四朝天下老百世後溪翁綠竹猗重較黃裳美  
在中平生涵養力於道有全功  
氣象融三極規模隘九州天津朝發軔野渡晚橫舟身何愛憂時死  
未休落花春寂上萬古蜀江流

挽謝疊山

千古精忠日月光恨無麟筆寫堂上還家耻作梁江總辟穀誰如韓子房

後死十年應有待輕生萬里故非狂有兒可拾江邊骨須信人亡道不亡

挽疊山

趙澗邊

西山東海莫容身芒屨蕭上萬里塵去住更無寬歲月死生惟有一君親  
丹心故國紅雲冷白骨他鄉寒草春不是回頭春已暮至今猶說似痴人

哭豐吏部二首

劉后村

江表依公稍自強訃聞朝野共淒涼壽移北府兵皆散茹返西州宅已荒  
舊成交鋒淮水赤新墳埋劍越山蒼此身虛作田橫客血淚無因滴隴旁

又

康時才業未全伸晚建油幢白髮新番士為城塵滿面握拳猶戰膽通身  
一生偏任公家怨四海皆知後事貧多少貴交方厚祿如孤弔墓屬何人

挽朱總領

前人

師門責望萃於公異質生來便不同孔汲自應傳世學魏蔓豈但有遺風  
懋崇須塢凡三仕輓粟荊州第一功畧出緒餘止於此胸中經濟正無窮

挽忠烈劉侯

劉子實



樵水孤軍血戰時英雄失後最堪悲那知慣把鯨鯢戮到底翻為鳥鼠欺  
堆壘誓高陰滅賊嶠陵休恨不全師生封死廟男兒事會有祠前墮淚碑  
挽芒丞相

梅城

無復公來做太平不知誰秘玉函經四方震駭悲中野百辟淒涼語大度  
半壁東南傾砥柱三天風雨折台星書生雖是家恩淺也望銘旌涕淚零  
奪到中原老典刑今更誰巢梅空萬古騎竹誤群兒單騎陳書日同官議  
獄時思賢何限些此事可豐碑

挽劉府尹

陳蘭孫

挽劉知州

轉頭萬事今如許可待他年記姓名凶歲久懷公叔惠貪夫終愧德之清  
當時澤國鴻俱集近日山村虎遍行蓬海騎鯨風萬里也應回首弟蒼生  
又  
鄱陽十載識公前隣燭重分此二天好客深公退酒憐才數上奉餘錢  
八州山水隨車者一卷文章待梓傳落七心期俱已矣西風淡盡意茫然

悼謝縣尹

梅城

即家尹邑幾何人宣到名公萬古榮曾謂淵源解官去遽如康節夢山行  
陽春百里生前滿廣厦千間死後成見孰去來都了上冠冠坐待日西傾

哭父母親族

哭父太師二首

文天祥

太師騎汗漫二紀似眺九弟妹俱成立家鄉忍破殘衣冠晨月暗墳墓夜  
風寒萬里逢先忌無言犯淚彈  
萬里先人忌呼號痛不天遺孤餘二紀曠祀忽三年永恨立園隔送憐第  
妹圓義方如昨日地下想欣然

哭母兩國夫人小祥

我有母聖善鸞飛星一周去年哭海上今年哭邳州遙想仲李間木主布  
筵几我躬身不閱祀事付支子使我早淪落如此終天何及今畢親喪於  
分亦已多母嘗教我忠我不違母志及泉會相見鬼神共歡喜

又哭母大祥



前年惠州哭母歛去年邗州哭母暮今年飄泊在何處燕山獄裏菊花時  
哀上三絕如昨日兩度星周俄箭疾人間送死一大事生兒富貴不得力  
抵今誰人守墳墓零落瘴鄉一堆土大兒狼狽不復道下有二兒并二女  
一兒一女亦在燕佛廬設供捐金錢一兒一女家下祭病脫麻衣日晏眠  
夜來俄夢歸故國忽然海上見顏色一聲雞叫淚滿牀化為清血衣裳濕  
當年雙緯意謂何親曾撫我夜枕戈占來全忠不全孝世事至此甘滄沓  
夫人開國分齊魏生榮死哀送天地悠上國破與家亡平生無憾惟此事  
二即已作門戶謀江南葬母麥滿舟不知何日歸兄骨孤死猶應正首立

哭母初忌日

前人

北風吹黃花落木寒蕭颯哀上我慈母玉化炎海秋日月水東流音容隔  
悠上小祥哭下邗大祥哭出州今此復何夕在再三星周嗟哉不肖孤宗  
賤曠弗修昔母肉未寒委身墮寇仇仰藥早云遂庶從地下遊大阿落人  
手生死不自由南冠坐絕域大期落淹留白華下玄髮碧蘚生緇裘心口  
自相語形影旁無儔空庭鬼火闐天黑對牢愁魚軒在何處魂魄今安不

兒女各北歸墳墓委南陬寒食雨凄上孟飯誰與投荆棘纏蔓草狐兔綠  
荒丘長夜良寂寞與我同出上我心亦勞止命我實不猶昨夕夢堂上樂  
昔歡綢繆覺來尚恍惚血淚連衾裯晨興一瓣香痛若螫在頭吾家白雲  
下萬里同閔憂遙怜弟與妹几筵羅庶羞既傷母在殯又念兄在囚兄固  
不足念母亦為母謀三聖日已遠穹垠奔洪流緬懷百世慮白骨甘填溝  
冥上先大夫鬱上蒼松楸防山迄合葬瞑目復何求

挽祖母二首

我祖當家始零丁隻影存根芽惟大母枝葉又曾孫觸少心猶惕慈多語  
易溫德尊年亦称消得話花息  
疊綵春風裏含飴憂獨深倦上行已訓歷上讀書歲長憶遺離語難耐侍  
養心微官稽執紼東望淚盈襟

挽通議叔祖呂碩人

熊以寧

旅殯胡塵裏淒涼七十春望雲長在念對食幾傷神烏哺追思切鼇峯卜  
兆新西風悲楚些誰不淚沾巾



挽伯父二首

白髮兒隨母蒼顏弟對兄  
四休元亦足一笑更何營  
論事絲弦直存心鏡面  
平德人今已矣誰與嗣  
鄉評

憶昨行邊別相期到鶴州  
秋風驚過眼落日賴回頭  
華屋空遺憾佳城足遠  
謀無從扶柩哭揮淚寄江流

挽叔父二首

東齋

道義時推重功名志泊如  
肯羨元亮徑堅卧孔明廬  
樂事千鍾酒生涯萬卷書  
騎箕天上去斜月照寒墟

耄歲顏偏好清談眼倍明  
一經雖取效五鼎未終榮  
柏隴承先志蘭陔慘故情  
西風吹淚眼愁听薤歌聲

哭西麓兄

徐實之

才高奈命非抱志竟相違  
世有生猶死君如出未歸  
兒繁書上網婢掩竹間  
扉春塢看雲處飛花又落暉

哭若水兄

藏暉

椿庭高鶴筭梅臺竟竟喪教子人  
青眼抱孫公黑頭立談嗟兩別一  
夢遽天遊回首鴿原望雲低起暮愁

挽嫂

鈴岡

閨門六十四年春回首平生可痛情  
不肯輟羹驚好客直能炊黍奉難兄  
莫思秀水初來旣豈料蕭州竟逝傾  
一望松楸三百里年上進為哭清明

哭夫

三十功名四十一有才有無壽兩堪傷  
夫妻鏡裏寫分影兄弟群中鴈失行  
數尺紅羅書姓字一堆黃壤蓋文章  
我來不敢高声哭只恐猿聞也斷腸

哭幼子

劉後村

宝惜吾兒如拱壁那知變滅只須臾  
畏啼尚宿通宵火塗顛猶殘隔日朱  
坐客相寬云夢幼故人來弔訝清羸  
荒山歲晚無行跡心折源頭樹影孤

哭存畊姪

劉道夫

裘馬西風遍九州山中野服自風流  
折腰下揖鄉人受為壘談玄俗子羞  
茶點漫添鄰客坐甕香不見齊仙留  
亦知死後成痴許忍此乳上幼弱求



又

病間中堂獨坐時深悲苦語更堪思和詩空復存遺墨罰酒那能更一卮  
藥石可生功未試神仙皆死事今知傷心成藉平生意為此悠上幸似誰

挽師文

挽南豐曾先生二首

陳后山

早棄人間事真從地下遊立原無起日江漢有東流身世從違裏功名取  
次休不應須禮樂始作後程仇

精爽回長夜衣冠出廣庭勲庸留琬琰形象付丹青道喪餘篇翰人亡更  
典刑侯邑才一足白首太玄經

挽延平李先生三首

朱晦庵

河洛傳心後毫釐復易差淫辭方眩俗夫子獨名家本上初無二存上自  
不和誰知經濟業零落舊煙霞

聞道無餘事窮居不計年筆瓢渾漫與風月自悠然洒落濂溪向從容洛  
社篇平生行樂地今日但新阡

岐路分南北師門數仞高一書資善誘十載笑徒勞斬板今來此懷經痛  
所遭有疑無與折揮淚首頓搔

哭西山蔡先生

趙昌父

鵲叫春林荐逝詩鴈橫霜月復傳悲蘭枯蕙死迷三峽雨暗雲昏帶九嶷  
早歲力辭公府檄暮年名預黨人碑嗚呼季子延陵墓不待鐫碑行可知

挽方澤孺先生二首

劉後村

弟子成名聚先生獨命窮廣場双髮秃陋巷一瓢空雞饌為親設牛衣與  
婦同嗟乎猶嗇壽神理竟難通

方訝書來少殊鄉訃忽聞素幃無祭王破笥有遺文已閉三間屋誰封四  
尺墳日曾傳業者南北各離群

挽水心先生二首 葉適

劉後村

一夢孝皇初凄然四紀餘圃人莫知我天下孰宗予散地雖無柄名仙儘  
有書嗚呼傳萬世猶足矯玄虛

所學如山海吁嗟不一施未聞訪箕子還見誅宣尼空郡求陪笑無人敢



撰辭紛上門弟子若箇解稱師

哭黃勉齋

劉後村

久在文公几杖旁暮年所得最精詳  
貧甘香火僻符竹病整衣冠坐簣牀  
壯士軍中悲亮死先師地下惜回亡  
法雲破寺三間屋却有門人遠赴喪

鄉黨故事

挽胡致政二首憲

熊竹谷

家在籍溪上派分湘水東  
山林心匪石湖海氣如虹  
洛下無諸老眉山有一翁  
象賢餘二季靖肅與文忠

尚德尊先友思賢識古人  
魯鄒家禮義劉范世婚姻  
子姓今同業雲山舊卜鄰  
傳家一編在吾不羨冠紳

挽劉篁嶸

足跡半天下才名滿搢紳  
清閑安性分坦率任情真  
麟解年非戊龍嗟歲在辰  
先生文未喪有子業能遵

哭詹元咎四首

藍青岩

龜峯千仞峻黃鵠已摩空  
克邁敷畜訓曾收斷織功  
師門企上蔡媼舍託丹翁  
諸老微言在文窮抑命窮

吾宗推宅相氣質本清高  
蚤擢歐陽榜僅栽潘氏桃  
榮華悲草露洶湧渺風濤  
九曲煙雲裏唯餘猿夜號

黃陳有宗派莊老謾濠廬  
解道澄江句猶多插架書  
久輕蘇子印豈碩管寧  
錫名利祗如此却卽一覺餘

世微交道喪舊德喟晨星  
未路多巖險如公尚典刑  
共憐頭已白相見眼終青  
一畝停雲思翻成涕雨零

挽劉須溪

後村

諸生方質礼千載但遺編  
河漢還天巧衣冠盡世緣  
春歸夢如讖道在劫猶仙  
獨憶承公日聞喪淚徹泉

挽劉書臺

崔君舉

當年小陸躍雲間蟾窟高枝  
獨步攀早覺如今真是夢  
釣天听樂不須還

又



未出脩門事已非絕伶袖手看殘碁  
堦池八駿歸無路空有阿房說牧之  
挽歐陽梅坡

兩岩

綬陵老進士歸侍白雲鄉前輩風流遠  
斯文感慨長平生足千載盛德在  
諸郎斜日城頭路寒梅立蒼蒼

挽李行甫

中齋

落魄平生馬少游不將鄉里博封侯  
肯緣兒輩折殺齒誰憶平生醉杖頭  
老去焉知堯壤力亂來初識楚天憂  
新墳似與歐阡近許見衣冠夜月遊

挽張秋湖

趙比奎

張公江海客幾世到秋湖俠氣古或有通才  
今所無文堪儀後季義每折  
狂圖是亦人中傑亡之命矣夫

挽劉省庵

古民

敢謂曾同李魏科尚累君世須存我輩天  
乃誤斯文鄉國緣堂尽衣冠哭  
忍聞何當車挽什刻石累高墳

挽劉南溪

李君行

今年人苦旱蝗飢正需平糶無南溪今年江南梅不開  
正恨南溪詩不來  
李悝不作雖堪傷不過飢民雷轉腸少陵不作世慄慄  
乾坤萬象無題品  
蒼天<sup>匕</sup>能令南溪迹成古不信收得詩名和迹去嗟吁  
笏筆千文強風  
淡<sup>匕</sup>兮煙蒼<sup>匕</sup>

挽羅斯立

同前

金玉不論富雍然李孟軻兩番新貢士半世老監河  
發粟歲無歉橫橋春  
不波陰功寫難盡留與邑人歌

悼劉梅心

梅城

宋咸淳貢士漢建武間孫應厭世千歲寧從母九原  
江山歛英氣風雪些  
吟蒐有子能名世公雖死若存

挽蔡澗松

蒲澗

聞葬家<sup>匕</sup>憶往年全城歸日死如捐何人去酒能逃世  
晚歲買書無剩錢  
猶有愛堂存賦詠獨曾綿絕起戈鋌百年論到無生已  
誰擬人間見海田

挽劉忠弼

好山



清談忘寢食思苦入推敲風月病司馬乾坤寒孟郊注龍方毓瑞遼鶴不  
歸巢漢上吟魂處梅邊第幾稍

挽劉明國死於寇

劉須溪

浮丘成一夢如此哭斯人宇宙真如醉風霆若有神涅槃空萬劫懸解總  
微塵有子承于載堂上麟筆新

挽羅澗谷

劉書臺

嘗憶東華裹飯時五十字挾海潮飛臣愚敢憚權奸忤主弱寧知國事非  
相馬有奇堪下拜屠龍無用只空歸江南文物侵尋盡洒淚單傳第一衣

挽唐如晦二首

中齋

戰藝時人北受書吾道東俊圖開熟路怒翼礙回風勇往千人發豪來一  
世空深山埋玉氣得失付雞虫

法護何妨短元龍故自豪交清如水淡義氣與秋高貧不露三釜年方見  
二毛魂兮如何返痛飲讀離騷

哭東園

滕玉霄

人間八十歲吟翁一轉頭來夢幻空化鶴何心歸世外騎鯨無信到江東  
香名分列仙班上老氣猶橫詩卷中如此英靈元不死梅梢月落響松風

哭毛昌甫

劉後村

至尊殿上主文衡誰料臺中有異評垂二十年猶入幙後三四榜及登瀛  
白頭親痛終天訣丹穴離方隔歲生策比諸儒無愧色自緣命不到公卿

哭王宗可

同前

昨現官身往今迎影子迴總云鳧入觀誰料鵬為灾巷靜公人去門荒吊  
客來故園花滿架猶似去年開

挽潘汝

挽李尚書母二首

同前

九秩復何憾生榮沒更哀闔門天下則地位佛中來具藥從頭看庭槐一  
手栽待兒聞曉磬猶恐坐禪迴

昔事征西幕年七拜壽闈那知丹旆至曾勸板輿歸元帥拋金印諸生返  
布衣感息惟有淚來向路傍揮



挽文魁母齊魏國夫人三首  
客談剪髮德隣識斷機心梭壁風雲早護春雨露深安輿神物相歸旒路  
人欽滂母猶難比生兒振古今

色養從予季全忠付伯方一心陵事漢數語買丹齊海嶺天多幸崦嵫日  
遽西猶怜兼國命驚誥濕金泥

兩公兄弟我七亦母夫人侍疾番禹藥行封海道綸孤穷空後死俯仰欲  
誰親不盡西州淚陶阡杳去塵

挽母子同葬

曉庵

死生姻眷惜分離九十偏親七十兒白髮領兒歸淨土綵母隨母宴瑤池  
淡煙輕鎖東西塚濃墨重題慈孝碑料得及泉相見後融七洩七似初時

挽僧道

挽天師

御書紫鳳凌行騶千載龍雲再命留奏事通明蓮炬夜進釐宣室栢梁秋  
百城玄妙黃金榜一夕文章白玉樓多少清精顏色好不知燕雪滿征裘

又

斗氣雙龍劍奎文三篋書方將承顧問不但守玄虛宇宙飛精爽丘山葬

棄餘君王記儀表治化漸華胥

臣礼双鳧鳥君息七宝牀受傳黃石履來去白雲鄉難弟勝彭祖佳兒似  
辟強谷神無死日何必悼顏亡

挽王道士

楊傑

偃月仙翁羽化初玉京推下紫雲車旌幢暗入三清路樓閣空遺萬卷書  
半夜寒蟬留退殼何年嘹鶴返鄉閭門人淚滴秋壇石鐘磬交音詠步虛

挽禮上人

洪平齋

盤屈虹霓氣空中老白雲酒因陶令買羊為鄴侯分甘露門知昧毗邪藏  
著勲南軒無復見岩卉自清芬

挽瑾公禪師

翁西岩

悟了無生妙歸空若故鄉竹房三尺像石榻一炉香壞衲猶懸樹新松忽  
過墻僧中留不得幾日為淒涼

挽詩僧無悶

楊傑



儒釋精通內外全欲求玉璞父師鑄孤雲野鶴八十載明月清風三百篇  
塔近左臺空累石社遙吳國暗凋運故人目斷西南路樓閣沉七鎖暮煙

挽想庵和尚

東軒

想庵住世大玲瓏脫殼誰知脫疑同現相維摩非是病到頭法喜本真空  
一塵頓滅靈臺上萬劫都銷烈燄中從此尺丘藏卯塔白雲流水任東西

悼天目和尚三首

雪岩

梁渚山頭住小庵十分豐足大酸寒紫泥移向天邊去受用依前無兩般

又

耳聾眼瞎謗松源空道無人是傳凌滅宗風拗到底如何不活陷黃泉

又

與誰切上是離家才見人來便咬牙一點舊愁消不得冷灰堆裏更拋沙

哀辭

拜文公墓哀辭

錢寅翁

唐石九峯兮矯如龍游峰下寒泉兮玉脂浮七中有蓋世翁兮一丘翁不

見兮焉求四書兮翁在此亦既見兮九峯山水竭吾力兮不能忘金風吹

松兮声琅上

溪並峰兮石齧足角中露衣兮來薦秋菊窮源兮大林谷古木千章兮珮

鳴鏘上仙人未兮紫陽視世驚聖哲兮空皇上昔可為兮雲一壑來日大

難兮九原又不作歸讀吾書兮猶自可樂

蔡覺軒哀辭

熊竹谷

西山之陽有名儒曰覺軒先生姓蔡氏西山隱君子之孫也

西山是為慶元之黨人紫陽朱子題其墓尊之曰先生乃今有孫是似

其祖人復以先生尊之先生行甚高度甚夷所學蓋自孔氏將進而未

止隕然處順淵乎似道是可謂能世其家矣人士敬之府公聘之諸公

貴人又薦之乃自山中特起為命士將典教於州里以覺後學先生辭

焉有避莫得避使者書幣在門先生驚焉已而得微疾鉤深探微涵茹

古今窮晝夜益不懈心忤上以悻越數日竟正襟危坐而逝嗚呼若先

生者可謂順理安常者矣順受其正者矣山中之君子野人皆驚呼失



聲甚哀豫章熊其其同門婿也是有世舊哀有甚焉思昔求道未復蓋  
將以榮陽之敬程子者請事於左右先生曰子知言也益友也奚師之  
足云顧念斯言輔仁服義庸非得易道之益謙也歟斯文下衰吾黨如  
線是可哀已於是修其辭曰

道之太原兮在天待夫人兮弘焉維聖賢之述作斯有覺於民先慨先覺  
之寥上傳後覺兮於一編凜正性而不踰妙探賾而無前蹇濶落而不偶  
將白首於山泉方抱道之將進忽隨化而溘然豈斯世之紛靡不可得而  
叅有抑聞道而既早不復異其耆年將定命之有終幹旦晝而推迂仰高  
天而難問慨神理之幽玄繫脩名之有立尚磅礴於八埏

鍾惠叔哀辭

平齋

惠叔臨安人諱應橋與余內同母余仲女其子阜婦也君早敏悟絕人  
讀書日千年場屋屢見頭角氣盛志勇風進驍駛得前輩格言題滿屋  
壁坐卧與對伊洛諸老書多隱括為歌詩時上自諷詠以苦志得疾  
每發則神遊六虛駭鸞寫鵠與浮丘安期相先後寤則索酒轟引耳熱

浩歌呼吸月露以盪胸中之嶂嶸幾豪矣而操行純白與人交無貴賤  
皆盡情奉重聞惟恐少櫻其和喪母過哀悴以死年止四十有五五黨  
共惜之葬有日為賦哀辭相樞緯且以塞余內余女之悲

凡託形於溟滓兮藐起滅於一漚前乎名世之既往兮後方來而未休來  
者不我接兮往者不我留譬草木苟吾臭味兮攬而寬以寫憂便儼錢歌  
之紛前兮歸斯人之好脩素忠信以為絢兮張詩書以為羞索珊瑚於海  
若兮采夜光於崑立樂得朋而講習兮甕來咀而已翫暖澗兮泉瀏淒嶽  
兮雲幽松矯上兮雪明柳濯上兮煙柔君其蘭亭竹溪人物之儔邪胡思  
繞神放而莫收若士聳身八景之上兮禦寇冷風而跨九州挑赫戲以超  
遙挾鴻蒙以夷猶頰人寰而隘之不帝蟻蛭蜂蛄蟻蟻而蜉蝣也徑御母  
於少廣之庭藹帝韶於碧瑤之樓世之壽者未必薰兮夭者未必猶兼葭  
老於霜露兮胡梧桐之不能秋豈魂氣聚散之靡常兮所推迂而幹流抑  
百鬼常戰於高明兮三彭其心尔仇不然萬物芸芸各歸其根兮蹇彼蒼  
尚矣尤薄寒兮梅窠嫩涼兮荷洲佇立以望兮君不來有酒不樂兮謂我



何求嗚呼天兮何奪吾良之亟兮孰論心乎白頭

李山民哀辭

好山

嗚呼山民兮山民氣蓋世兮旁若無人悲憤八極兮無容身萬里出門兮

車折輪嗚呼山民兮山民  
嗚呼山民兮山民佳木不實兮草不春書窗寂上兮燈自青洞房香二兮  
燭不明嗚呼山民兮山民

嗚呼山民兮山民招不來兮喚不應青山哀上兮江沅上哀猿秋度兮春  
猿嗚上呼山民兮山民

過揚忠襄墓哀辭

游默齋

建炎已酉金虜寇江車駕幸越重充以宰相總諸道兵鎮江左前執政李  
昉供餼事顯謨待制陳邦光守建康充儒不能戰閉壁莫敢出充與麾下  
數千人降虜北去虜入建康昉先降邦光亦降通判楊公邦又獨不從大  
書其衣裾曰寧作趙氏鬼不為他邦臣授其僕曰持此以見志吾死矣昉  
邦光擁公上馬野次俱見虜酋四太子者命之拜公叱曰我不降何拜虜

真敢迫縱歸明日遣其將張太師諭公授以舊官公以首觸階祀求死虜  
大驚止之徐曰公所守固高然勢已去矣第歸審思之明日復來公亟移  
書其首曰世豈有不畏死而可利動者幸速殺我又明日四太子觴二降  
人於堂上樂作召公立庭下公注視昉邦光曰天子以若扞城賊至不能  
抗又不守節更與共燕樂尚有面見我乎虜取幅紙書死活二字謂曰無  
多言即欲死書死字下則願旁更有簪筆者躍起奪而書曰死於是虜皆  
動色又使引去明日無以見公遙望四太子遂大罵若夷狄而圖中原夫  
寧久假汝行礫萬段尚安得汗我虜怒使人疾擊挺交下公罵不絕口見  
殺剖腹取其心明年虜去州以事上聞詔贈直秘閣官其子一人即死旁  
為墓立廟謚公襄云公吉州人政和乙未進士後六十九年建州游某  
為吏金陵再拜墓道嗟嘆而為辭曰山雲起兮陰木嘯風兮蕭森骨荒  
榛兮頽墜野鳥怨兮清音噫丙午兮燕安謫薦紳兮多盤鬻菴桑兮弗戒  
渝旧好兮開邊釁生兮召戎頑大地兮塵蒙祭承平兮百載蕃夷門兮廟  
宮我踰郊兮梁山蛇游食兮江干擁貔貅兮首鼠紛雅拜兮後先獨立兮



慨陳人自靖兮此身寧為鬼兮趙氏肯涅緇兮虜死有醴詞兮苟哺弗自  
知兮貌頽搥玉麟兮拜犬豕曾莫嗅兮羶膾豈曰余兮獨死汝尸坐兮偷  
生振英聲兮增下氣烈動兮清寧凜名義兮身世九鼎重兮一羽輕醫羽  
兮出藏頴陽照兮山荒髮毛爪齒兮一世同腐廟貌主哀兮千古之光春  
秋兮代謝勿替兮蒸嘗

廖節婦哀辭

徐知監

維仕與嫁兮思保厥身禮法于閨兮簪笄于庭居安履常兮庸事有名逢  
時不幸兮大節以明茲惟非辜兮又焉以為榮惟彼訐聞之兮既訛而願  
其自視兮豈不如狗苟之與蠅營夫孰知日月爭光兮玉雪同清骨雖已  
腐兮其氣則生噫節婦之節兮烈士爭衡方靖康之初載兮信噬交橫嗟  
夫人之斃兮得正於兵以身代姑兮孰偽以誠以死全節兮孰重而輕豈  
夫人之計此兮乃擇所行蓋義之所在兮寧或敢撓噫節婦之節兮孰播  
其馨夫胡所稟者柔兮而不振驚蓋天下之偷生兮使一世不敢逞豈有  
須眉戰立兮跪起賊庭等一死於百年胡以貴而易耳惟壽崗之有筆兮

發潛德於幽稿傳逸事以告太史兮長流厥聲噫節婦之節兮匪鄉之評

孫氏女哀辭

澗谷

秋風蕭瑟兮白露零汝墳何在兮何草為青秋此日兮猶異汝生灑墨  
我別兮人間父子之情我枯如腊兮涕更縱橫  
秋風蕭瑟兮白露晞五十年閨闈兮寧識馬嘶銜轡迫人兮竟為之飛歸  
來一空兮不死何為誰為此禍兮使汝當之  
秋風蕭瑟兮白露下豈不日月兮照我下土持此白頭兮言歸何所默也  
已不堪兮哭微更苦兒孫為吾一慟兮萬古

墓誌銘

平山先生母制機墓誌

謝疊山

人與天地並立為三才形氣有小大人豈小於天地哉衆人與聖人皆可  
為堯舜知覺有先後衆人豈後於聖人哉古之君子覺足以見天地聖人  
之大全意一誠天下國家與吾心為一誠一至天地人物與吾性為一可  
言而不可行為其事而無其功非儒道也宋朝喜用儒能談理性書者取



穹官如執左券五帝三王自立之中國乃滅於儒術盛行之時豈不大可哀乎吾讀平山先生母公行實未嘗不流涕太息安得斯人與之論儒道哉公仁人也少年見蜀人死於活離如痛入肌髓收遺骸露骼藏之叢冢者以萬計流亡苦寒飢賴衣食以更生者又幾萬人終不留錢廩不留粟悉傾倒施捨以活民命家以此屢空嗟乎一少年書生惻隱滿胸懷真能以天地萬物為一體豈非英雄人哉其尉安化也峒岷作亂單車半夜入魁籠篁竹間推赤心曉以禍福開其生路凶渠感恩羅拜至泣下民社以寧糴谷萬餘石為社倉有凶歲四境無餓民邑庠不養士始闢齋舍置稟庖日以六籍四書講明士皆篤又行令有當為之事而不為者公皆為之士民愛戴如父母其揖令衡陽也善政與善教並行百姓得懽心而歌舞之無以異於安化也部使者交薦堂除南康令公辭曰世與道交相喪久矣人物大凋零願作一冷官為國家育英才可乎分教黃州兼領雪堂河南兩書院事程蘇二先生道不同而其趨一公為諸生明辨既知其所以異又知其所以同教人必明體適用文武無不能精粗皆可以為湖學再

行於斯世功臣貴將子孫皆願立講下江淮湖右後進生經公講畫有文名者尤多泐江兩帥借隆望以精神一闡衡靈公豈能知仲尼哉際可年公養耳後帥辟為幹辦公事又辟主管機直文字雖不能委心受教公竭智彈慮茸罅漏猶能護一面風寒叛膽敵心有所憚不犯福聞界時宰頗知公除禮部架閣仍贊軍機任改秩襄園急將相皆天奪其鑿陽援而陰棄公有策可以解圍可以弭兵可以使南北百萬億蒼生全性命知時宰必不用襄必陷國必亡天下必大亂憂憤成疾竟以庚午閏十月十三日終于黃州官舍家無餘財厥子無以終大事軍民悲慘歛殯葬祭諸費皆闔帥給之公諱延瑞字仁叔家世河中之龍門後唐同光丙戌高祖乎章母公昭裔從孟知祥入蜀遂家焉公生於成都中進士弟元昇府推官諱岩老者其曾祖登科宰南溪諱諫者其祖太學上舍生諱自誠者其父生於己卯享年五十二娶劉氏生三男遇辰逢辰應辰皆以奇才實學焉廷官當方面者所知繇進士選舉入仕或辟祿廬墓或忒郡或丞邑止者得伯夷柳下惠之仁仕者合伊摯呂牙之道皆豪傑士也逢辰仕建安條



上四十事說達官為生靈留一髮生意人望翕然辛未正月十一日子孫奉公柩葬於興國軍大冶縣鄉曰永豐里曰白雉原曰黃龍山嗚呼公生而英偉年十二記六經已能通大義作賦早有声春秋程文冠一郡恢廓有大志惠義而力仁為布衣已能哀憐鋒鏑遺黎葬死者活生者皆以萬計吾所謂古之君子學足以見天地聖人之大全意一誠而天下國家與吾心為一誠一至而天地萬物與吾性為一此之謂儒道公其庶幾乎鄉三貢始登己未進士第仕止一掌故佐邊關其沒也年方五十二諸公貴人苟能用其材行其道豈不能轉亡為存易亂為治天與人不合世與道相違惜哉吾歷覽前史渡江後賢相如張公德遠虞公仲信趙公景溫游公景仁謝公德方皆蜀人也雖不能用太平如慶曆元祐時其心真足以合天其德真足以服人亦可以為大臣矣使公不死其才必大用上則必無愧於五君子一賢之壽天吾道之行廢與國脉世運相關豈特其一身之不遇為可恨哉王晉公范文正平生喜種陰德子孫食其報人以為天道可必毋氏之後其大乎材得與公仲子相識晚而相知深請予銘公墓

乃銘曰

才可以扶國之亡而為異道可以晚世之降而為升天不假孔明公瑾以年人已知漢業之必傾計公平生之陰德非古之大丈夫則不能黃河之源不可窮則奔流萬里而入海松根之茯苓不可斷則柯葉千歲而長青匪春種而秋穫信雲族而雨盈志有續而道有傳必長拔巔崖辛苦之蒼生而見其清平

熊氏令人陸氏孺人墓表

劉屏山

建炎己酉歲余兄侍郎從戎川陝氏余嫂熊氏已嬰病明年冬十一月十一日卒侍郎書來曰聞汝嫂訃弼劇傷悼曩嘗憂其疾也屬吾在行不得視其棺殮故以是為恨也吾歸而葬之慰夫亡者又明年春三月十七日余室陸氏病卒侍郎書來曰國事未濟懷息則虧義奔成則失武一集吾私二蔽深矣何以歸乎時方艱虞塗殞非策汝嫂汝婦可共營窆安相地惟吉消日惟良送終之禮惟及則猶吾歸也於是葬于建州拱辰山開善寺之東原熊氏建州建陽人故朝奉郎安行之女也慈懿知書年二十為



侍即之配生二男五女長男珙承務即女息娘尚幼餘皆早亡封令人享  
年三十六以紹興二年十月十七日葬陸氏家越州左丞佃人之孫奉直  
大夫寘之女謙淑能琴年十八歸余生一女夫之享年二十四先熊氏六  
十二日而葬畢事復于侍郎兄仍刻文以表之碑曰熊氏居左陸氏居右  
異穴同立辭詔厥後

新編事文類聚翰墨大全卷之五





